

علوم، اقتصادیه و اجتماعیه

مجموعه علم الگار

هر ایک برنجی کونی نشر اولتور

مؤسسیری

احمد شعیب، رضا توفیق، محمد هارید

مندرجات

انعکاس تکالیف: مالییه مآتبی مدیری زهدی . —
اقتصاد ریاضی: بدیم نوری . — محررات عمومیه
صورتلری . — دیوان محاسباتک تارنجهجه سی: حسن تحسین .

مدیر وصاحب امتیازی:

محمد هارید

نسخه سی: ۱۰ غروش

استانبول

امور اداره و تحریریه: طنین مطبعه سی.

۱۳۲۷

دیوان محاسباتك تاربخچه‌سی

ایتالیا

ایتالیاده قونترول تشکیلاتنك صفحات متوالیه‌سی ، امور مالیه‌نك انتظامی وبلا فاصله تکملاتی اسبابنك استکمالی ایچون اسکیدن بری ایتالیانلرك بومسئله‌یه عطف ایتدکلری اهمیت ایله متناسب برصورتده‌دره .

مملکت هنوز وحدت ملکیه‌سی تأمین ایتدیکی زمانلرده مشهور (قاوور) بودجه‌لرك تنظیمی و صورت اجرایی حقیقه بر عمومی قانون لایحه‌سی ترتیب ایتیش وبولایحه ۲۳۰ مارت ۱۸۵۳ تاریخنده (پیه‌مون) پارلامنتوسی طرفندن تصدیق ایدلمشدر . بو قانون ممالك مجاورده‌ده یعنی (طوسقانه) غران دوقه‌لغیه ساجلیتین قرالیتی کبی ایتالیایی تشکیل ایدن اسکی حکومتلرده جاری قوانین اساسلری دائره‌سنده تنظیم ایدلمش ایسه‌ده بالخاصه فرانسه وبلجیقا قانونلرندن استنباط اولمش ایدی .

بو قانونك اساسلری نظارك مسئولیتلری وپارلمنتونك تفتیشی ، واردات مدیریت عمومیه‌نك تشکیلی ، محاسبلر حساباتنك مالیه نظارتنده اجمال وتلخیصی ، محاسبلرك محاکمه‌سی حقیقه اسکیدن مقش عمومیلره ویریلن صلاحیتك تزعیله بونك ایچون مستقل بر هیئت احداثی ، امر اعطالرك قبل‌الصرف بر هیئت مخصوصه طرفندن تدقیق وبوهیتك قوه‌ اجرائیته‌نك نفوذندن خارج برصورتده تشکیلی ، نهایت نظارك زمان اداره حسابلرینی تفصیلاً پارلامنتویه اعطیه مجبوریتلری در .

لومباردیہ فخریہ اعتباراً ۱۸۶۶ء دہ وندیک ضبطہ قدر متوالاً وقوع بولان الحاقی اصول مالہ نک توحید و توسیعی ایجاب ایلمشدر . اداره مالہ بی یکدیگری تعقیماً در عہدہ ایدن ناظر لک کافہ سی بو واسع اصلاحات پروژہ سی ایچون تشریک مساعی ایشلر و ۲۲ نیسان ۱۸۶۹ تاریخندہ اصول محاسبہ عمومہ قانونی تصدیق ایدلمشدر . الیوم اصول محاسبہ حقندہ مرعی اولان ۱۷ شباط ۱۸۸۴ تاریخلی قانون ۱۸۶۹ تاریخلی قانونک نقاط اصلیه واساسیہ سی محافظہ ایلمشدر .

ایتالیادہ دیوان محاسباتک تشکیلات قانونی ۱۴ اگستوس ۱۸۶۲ تاریخندہ تصدیق اولمش « نمونہ نومرو ۱ » فقط اخیراً نشر ایدیلن بر طاقم قانونلر ایلمہ برخیلی تعدیلاتہ اوغرامش ایلمہ دہ بوتعدیلات دیوان محاسباتک وظیفہ وصلاحتی توسیع ایلمش و تشکیلات قانونک اساسلری دائماً محفوظ بولنمشدر . تشکیلات قانونی تعدیل ایدن قوانین میانندہ ۱۵ اگستوس ۱۸۶۷ تاریخلی و ۹ تموز ۱۹۰۵ تاریخلی قانونلرک اہمیت خصوصہ سی واردر .

دیوان محاسباتک تشکیلاتی

تشکیلات قانونک ایکنجی مادہ سی اقتضاسنجہ پایتختندہ تشکیل ایدیلن دیوان محاسبات اوج قسمہ Section آیرلش و بر رئیس ، ایکی رئیس ثانی ، اون ایکی اعضا ، بر مدعی عمومی ، بر باش کاتب ، یکرمی میزدن مرکب بولنمشدر . فقط ۱۷ شباط ۱۸۸۴ تاریخلی قانونک ۵۸ نجی مادہ سی احکامنہ نظراً محاسبلر ایلمہ آمر اعطالک مسئولیتی تدقیق و محاکمہ ایلمہ دیوان محاسبات قسمی قبل الصرف ویزہ معاملہ سیلہ مشغول اولان قسمدن آیری اولسی لازم کلدیکندن تشکیلات قانونی ۹ تموز ۱۹۰۵ تاریخلی قانون ایلمہ تعدیل ایدلمش و بونک برنجی مادہ سی ایجابنجہ دیوان محاسبانہ بر رئیس ثانی ایلمہ درت اعضادن مرکب بر قسم علاوہ اولنمشدر .

دیوان محاسبات رئیس اولیله رئیس ثانیلری و اعضای خزینہ ناظرلی طرفندن وقوع بولان تکلیف اوزرینہ مجلس وکلا قراریلہ لدی العرض صادر اوله رجق اراده حکمداری ایله تعیین اولتور . دیوان محاسبات رؤسای ایله اعضای عزل و تقاعده سوق و بشقه بر مأموریتہ نقل ایتدیر یله مز . آنجق مجلس اعیان و مبعوثان رئیس لر یله رئیس ثانیلرندن مرکب بر قومیسون طرفندن ویریلن قرار اوزرینہ لدی العرض صادر اوله جق امر حکمداری ایله عزل و تقاعده سوق و یا بشقه بر مأموریتہ نقل اوله بیلور لر . بر قومیسونه اعیان رئیس ریاست ایدر و تعطیل زمانلرنده وایکی دوره اجتماعیه آراسنده ایفای وظیفه ایتکده حائز صلاحیتدر . ایثی بر قومیسونه یادیوان محاسبات رئیس و یا حکومت سوق ایدر . (فقط رؤسا ایله اعضادن سنلری ۷۵ . رسیده اولانلر اراده حکمداری ایله تقاعدا اولور لر .)

دیوان محاسبات مأمورلرینک تعیین و عزل لری هیئت عمومیه نك قرار و تکلیفی اوزرینہ خزینہ ناظرلی طرفندن لدی العرض صادر اولان امر حکمداری ایله اجرا اولتور .

دیوان محاسبات رؤسا و اعضایله مأمورین سائرهنك معاشرلی و عددلری بوجه آتیدر :

هیئت حاکمه

عدد

۱۵۰۰۰	فرائق	۱	رئیس اول	سنوی
۱۲۰۰۰	»	۳	رئیس ثانی	»
۱۰۰۰۰	»	۱۶	اعضا	»
۱۰۰۰۰	»	۱	مدعی عمومی	»
۹۰۰۰	»	۱	باش کاتب	»
۸۰۰۰	»	۱۱	برنجی صنف میز	»
۷۰۰۰	»	۱۲	ایکنجی صنف میز	»

دوائر واقلام اداره

عدد				
۹	شعبہ مدیری	برنجی صنف	سنوی	۸۰۰۰
۸	»	ایکنجی صنف	»	۷۰۰۰
۳۰	قلم مدیری	برنجی صنف	»	۶۰۰۰
۳۰	»	ایکنجی صنف	»	۵۰۰۰
۴۰	قلم باش کاتلری	برنجی صنف	»	۴۵۰۰
۴۰	»	ایکنجی صنف	»	۴۰۰۰
۵۶	کاتب	برنجی صنف	»	۳۵۰۰
۵۶	»	ایکنجی صنف	»	۳۰۰۰
۵۵	»	اوجنجی صنف	»	۲۵۰۰
۱۸	»	دردنجی صنف	»	۲۰۰۰
۲۰	ملازم			
۳۶۲				

اوراق اقلامی

عدد				
۸	اوراق میزلی	سنوی	۴۰۰۰	فرائق
۳۴	اوراق مأموری	برنجی صنف	»	۳۵۰۰
۲۶	»	ایکنجی صنف	»	۳۰۰۰
۵۱	اوراق شا کردی	برنجی صنف	»	۲۵۰۰
۳۶	»	ایکنجی صنف	»	۲۰۰۰
۱۵	»	اوجنجی صنف	»	۱۵۰۰
۱۷۰				

دیوان محاسبات مذاکراتی صورت عادیہ دہ دائرہ لردہ آری آری

اجرا اولتور . هیئت عمومی قانون ونظامات ایله تعیین اولان احوالده وریشلك لزوم کوردیکی زمان عقد اجتماع ایدر . دائرة لرده مذاکره جریان ایتسی ایچون بشدن اکیسک اولماق اوزره عدد اعضانك تك اولسی لازمدر . هیئت عمومی مذاکراتی ایچون طقوزدن اکیسک اولماق اوزره عدد اعضانك تك اولسی ایجاب ایدر . (اولجه دیوان محاسباتك اون ایکی اعضاسی و اوچ رئیس واریکن هیئت عمومیده مذاکره جریان ایتسی ایچون مقتضی اولان عدد اعضا طقوز اولق اوزره تعیین ایدلش ایکن اخیراً دیوان تشکیلاتك توسیعندن وعدد اعضانك اون آلتییه ابلاغندن صکره هیئت عمومی مذاکراتی ایچون مقتضی اولان عدد اعضا حقنده کی حکم قانونك تعدیلی اونودلش وبصورتله هیئت عمومی نصفندن براکیسک اعضا ایله مذاکره اجرانسه حائز صلاحیت بولنشدر !) کرک هیئت عمومی وکرک دائرة لرده مقررات اکثریت عادیه ایله اتخاذ اولتور .

میزلر یالکزدقیق ومعاینه ایتدکلی ایشلرده صاحب رأی درلر . کذلک غیوبت ایدن اعضا یرینه رئیس طرفندن وقوع بولان جلب ودعوت اوزرینه ایفای وظیفه ایتدکلی زمان دخی رأیلری واردر . اتحق میزلر دائرة لرده ایکیدن وهیئت عمومیده اوچدن زیاده اوله ماز .

وضعیتی

دیوان محاسباتك قوه تشریعیه ایله اولان مناسبتی اولاً قید احتیاط ایله تسجیل ایتدیکی امر نامه لر واعطا امرلری حقنده هر اون بش کونده بر طوغریدن طوغرییه مجلس مبعوثان واعیان رئیسیرنه بیان معلومات ایتك ، ثانیاً حساب عمومییه متعلق اوله رق وارد اولان مطالعاتی طبع ایتدیروب خزیننه ناظری معرفتیه کذلک پارلامنتویه کوندرمکدن عبارتدر .

قوه اجرائیه رئیس اولان حکمدار ایله مناسبتی پوقدر .

قوه اجرائیه مأمورلری ایله اولان مناسبتی ایکی صورته اولور . وظیفه
مختصه بیان ایدیه چکی جهتله نظارتلردن کلان هر درلوا امرنامه لک تسجیلندن
ثانیاً اعطا امرلرینک ویزه سندن عبارتدر . دیوان محاسبات اقلامی نظارتلر
اقلامی ایله طوغریدن طوغری یه مناسبتده بولنه بیلورلر یعنی کرک اعطا
امرلری و کرک خصوصات سائر حقنده دواثرناظرلری ایله دیوان رئیسینک
مداخله لری اولقمیزین اقلام بربرلیله مخابره ایده بیلورلر . برده بوندن
بشقه دیوان رئیس ویا مقامنه قائم اولان ذات طرفدن امضا ایدیه لک
نظاره کوندریلان محررات واردرکه بونلر مسائل مهمه حقنده دیوانجه
جریان ایدن مذاکرات و مقرراتک تبلیغه متدائر اولور ، و فقط اعلام
شکلنده اولیوب تذکره صورتنده در . ریاست اولی طرفدن یازیلان
تذاکر جوابلرینک نظار طرفدن بالذات امضا ایدیش اولسنه اعتنا ایدیلدی
افاده ایدلشد .

ایتالیاده مراتب تشریفاتی درجاتی بروجه آتیدر :

اولاً آنونسادنشانی حامل اولانلر Chevalier de l'Annon-

ciad بونلر (Cousins du roi) عنواتی حائزدرلر .

ثانیاً اعیان رئیس و مبعوثان رئیس .

ثالثاً ناظرلر ، آمراللر ، مشیرلر

رابعاً شورای دولت رئیس ، محکمه تمیز رئیس و باش مدعی

عمومی ، دیوان محاسبات رئیس ، فریقار ، سرای ناظری ، سرای

تشریفاتی ، سریاور ، دیوان حرب بری و بحری رؤسای « اشبو

درجات اصحابی Excellence رتبه سنی حائزدرلر »

خامساً اعیان و مبعوثان

سادساً شورای دولت ، محکمه تمیز ، دیوان محاسبات رئیس

ثانیلری ، لوالر ، استیناف رئیس لری

سابقاً والیر، شورای دولت محکمه تمیزودیوان اعضای و دیوان مدعی عمومی نظارت کرده کی مدیر عمومی

وظائفی

دیوان محاسبات قوانین و نظامات اقتضاستجه اولاً صرفاتی مراقبه ثانیاً واردات عمومیته تحصیلاتنه نظارت ثالثاً نقد و عینیات محاسبلرینک کفالت و تأمیناته مربوط اولمرینه دقت رابعاً حساب عمومی به بالتدقیق راپور اعطاخامساً بالعموم دولت محاسبلرینک و قوانین ایله تعیین ایدیله جک مؤسسات عمومی محاسبلرینک حسابلرینی رؤیت و محاکمه ایدر .

دیوان محاسبات دولت بودجه سندن ویریله جک تقاعد معاشاتی بالحساب مقداری تعیین ایتر

هرهانیکی دائریه عائد نه ایشه متدائر اولورسه اولسون بالجمله امرنامه قرالیر دیوان محاسباته تبلیغ ایدیله رک اوراده ویزه ایدلک و تسجیل اولمق لازمدر . اگر دیوان محاسبات بوا امرنامه لرک قوانین و نظامات موجودیه مخالفتی کوررسه اسباب موجب بیان ایدرک ویزه دن امتناع ایدر . اشبو اسباب موجبه رئیس طرفدن علاقه دار اولان ناظره بیلدیریلور . ناظر اصرار ایدرسه مجلس وکلاده تدقیق کیفیت اولتور . مجلس وکلا امرنامه نك مرعیت احکامنه قرار ویررسه دیوان محاسباتک یکیدن مذاکره کیفیت ایتیمی ایجاب ایدر . دیوان محاسبات اسباب ردینک مرتفع اولمدیغنی کوررسه تسجیلنی اجرا ایدر و قید احتیاط ایله ویزه سی وضع ایدر .

دیوان محاسباتک ویزه سی و تسجیلی نظارک مسئولیتلری رفع ایتمز . دیوان محاسباتک نظاردن ، اداره لردن و بوا اداره لرک مأمورلرندن واردات و صرفیاته متعلق اولان و نائق و ایضای وظیفه سی ایچون مقتضی اولان بالجمله اوراق و معلوماتی طلب ایتمک صلاحیتی واردر . (دیوان محاسبات

وظیفه اشناسنده مطلع اوله جنی بالعموم یولسزقلری ناظر عائدینه اخبار ایدر و هراون بش کونده بر مجلس اعیان و مبعوثان ریاستی قلمرینه قید احتیاط ایله اجرا ایتدیکی تسجیلاتی بوبابده جریان ایدن مذاکرات ایله برابر بیلدیرر .

قونطورا تولاک عقدنی تصدیق ایدن و مصارف اجرا سنه مساعدده ویرن بالعموم امرنامه لر ایله « ماهیت و شکلی نه اولورسه اولسون ، تعیین ، تحویل حقه کی اوراق و دولت بودجه سندن مأمورین و تقاعد معاشرلی اعطاسنی ایجاب ایدن امرنامه لر دیوان محاسبه بلیغ ایدمک لازمدر . دیوان محاسبات بونلری ویزه و دفاتر مخصوصه سنه تسجیل ایدر ، یالکتر مقداری ایکی بیک فرائقی تجاوز ایتیان و بردفعه لقی اوله رق تسویه اولنان مکافات و تضمینات حقه کی امرنامه لر بوندن مستنادر .

اعطا امرلری ایله حواله نامه لرک ویزه سی و تسجیلی معامله سی بوجه آتی اجرا اولنور .

اعطا امرلری ناظر عائدی و یا تعیین ایدمک ذات جانبندن و او نظارتده کی محاسبه مدیری طرفندن امضالی اوله رق دیوان محاسبه کوندریلور . « اشبو محاسبه مدیری خزینه نظارتیه ناظر عائدی آره سنده حصوله کله جک ائتلاف اوزرینه هر ایکی ناظر طرفندن مشترکاً امضا ایدیلان برتذکره ایله تعیین اولنور . خزینه ناظرلی بومأموری اکثریتله کندی مأمورلری میانندن تفریق و انتخاب ایدر . وظیفه سی بودجه حدودینک محافظه سنه نظارتدن عبارتدر ، اعطا امرلرنده بودجه نیک فصلی و ماده سی ، دوره حسابیه ، مبلغ ، اوراق مثبته ملفوفه نیک عدد و ماهیتی ، صاحب استحقاقک اسمی ، محل تأدیه سی مصرح و هر فصلی ایچون آیری آیری مسلسل نومرو واردر . اعطا امرلری ایکی نسخه اوله رق تنظیم و نظارتلرده کی محاسبه مدیرلری طرفندن امضا ایدیلان بوردر و لر ایله دیوان محاسبه کوندرلمکده در . اشبو اعطا امرلری ایچون

بلجيقاده اولديني کي ارسال تذکره‌سی يوقدر اعطا امرلری هانکي نظارتہ عائد ايسه ديوان محاسباتہ اونظارت ايشلرينه باقان شعبہ مخصوصه کليز بنايرين عموم نظارتلره عائد اعطا امرلری برمسلسل نومرو التددہ بردفتر عمومي يه قيد اولتماز . بوردرولرک بر نسخہ‌سی شعبہ مدیری طرفدن امضا اولنلرک نظارت عائدہ سنہ اعادہ اولنور وديکر نسخہ‌سی اعطا امرلریله برلکده ديوان محاسباتہ قالور . شعبہ مدیری کنديسنه کلان اعطا امرلری معيتمده کی مأمورلره تقسیم ايدر . شعبہ مدیرلری معيتمده نظارتک مدیرتاریله متناظر بعض قسملر واردر مثلاً حریبه نظارتی ایشلرينه باقان ديوان شعبہ‌سی معيتمده استحكام پیاده سواری طوبچی کی اقسام بولنور . « اشو مأمورلر اعطا امرینی اوراق مثبتہ سیله تطبیق و تدقیق ایتدکدن صکره اعطا امرینک کنارینه امضالار . بوصورتله امضا ایدیلان اعطا امرلری مدیر نزدنده طوبلاندقن صکره امپوتاسیون دفترینه قيد ایدلمکله برابر اگر مصرف مقاوله نامه یه مستند ايسه مقاولاتک قیدینه مخصوص اولان دفتره دخی قيد اولنور . بعده اودائرہ اعطا امرلرینک ویزه سنہ مأمور اولان اعضایه وریلور اوده اعطا امرینی امضا ايدر . اولله امپوتاسیون دفترینه قيد ایدلمکسزین اعضا طرفدن اعطا امرلری امضالاً بمقدہ ایدیسده مؤخرأً بواسولک وقت اضاعه سنی موجب اولدینی کوریلرک بالاده بیان اولدینی وجهله معامله ایفاسنه باشلانمشدر . مع هذا دفتره قيد ایدلدکدن صکره اعضانک امضاسنه عرض ایتک غیر مقول بر اصول اولدینی اعتراف ایدلمشدر . شاید امپوتاسیون دفترینه قيد اولندقن صکره هر هانکي بر صورتله اعضا طرفدن رد ایدیله جک اولور ايسه دفتر تصحیح ایدیلور . « مقاولات عقد و امضا ایدلدیکی زمان مصرفک اجراسنه مأذونیتی متضمن امرنامه لر ایلک برابر ديوان محاسباته کوندریلور . « اشبو مقاولات نظارتلر تقریق ایدلمکسزین برمسلسل بر نومرو التددہ بردفتره قيد اولنور . بودفترک

حروف حجا اوزرینه مرتب بر فهرستی وارد در « مقاوله نامه لر ایلاک تأدیه اعطا امریله کلور » و بوکا محسوباً کلان اعطا امرلری اوزرینه وقوع بولان تأدیات امپوتاسیون دفترینه یازیلور . اعطا امرلرنده شایان استیضاح بر ماده کوریلورسه مأمور مخصوص مطبوع اولان بر استیضاح ورته سنی املا و امضا ایدر شعبه مدیری ده بعدالامضا اصولی محافظه او نظارت امورینه مأمور اولان اعضا طرفدن دخی بر اشارت مخصوصه وضع ایدلد کدن صکره اعطا امریله برابر نظارت عائد سنه اعاده اولتور . نظارت جوابی ورقه استیضاحیه نك محل مخصوصه یازار و تکرار دیوان محاسباته کوندریر . ویزه مأمور اولان هیئتدن هر اعضاء بر نظارتك اعطا امرلرینی ویزه ایدر یعنی نظارتلردن کلان اعطا امرلرینك تدقیق ایچون نصل که بر شعبه مخصوصه واریسه اعضادن معین بر ذات دخی مأموردر . دیوانجه اعطا امرلری تصدیق اولندقدن صکره اوراق مثبتہ فك اولتور هر فصله مخصوص اولان اوراق مثبتہ بر آردیه جمع ایدیلهر ك مخصوص دولابلر ایچنده محافظه ایدیلور و اعطا امرلری ایکی نسخه بوردر و ایله برلکده خزینہ نظارتنه کوندریلور . بو بوردر و لری دیوان محاسباتك شعبه مخصوصه سی تنظیم ایدر و او شعبه مدیری طرفدن امضالور و مسلسل بر نومرو و تحتده در . بوردر و لردن مقبوضی مشعر عباریه بی حاوی اولان نسخه خزینہ نظارتجه امضای دیلوب دیوان محاسباته اعاده اولتور ، دیگر ی اعطا امرلریله برلکده خزینہ نظارتنده قالور . خزینہ مدیریت عمومیه سی ویزه ایدیلهر ك کلان اعطا امرلرینی نظارت و فصل اوزرینه مرتب دفتره تاریخ صر سیله یازدینی کبی هر ولایت ایچون نظارتلری اتقی صورتده کوستر ستونلری حاوی اوله رق متخذ اولان دیگر بردفترده یازار بعده برر بوردر و ایله اعطا امرلرینی محل تأدیه ده اولان ولایت خزینہ مأمور لرینه کوندریر . مأمور مومی الیه کندوسنه کلان اعطا امرلرینی تاریخ صر سیله بردفتره قید ایدر . و مرکز ولایتده تأدیه

ایتدیره جکینی نزدنده الیقویه رق دیکرلرینی تنظیم ایدمه جکی بوردرولر ایله ملحققات شعبانه کوندیرر « اشبو شعبه لر پوسته اداره خانه لری ، ویرکو دائره لری کچی حکومت دائره لرندر بونلر تأدیه ایتدکلری اعطا امرلرینی بطوغریدن طوغری به ولایتده کی خزینه مأمورلرینه کوندرلرله کندوسنک تأدیه ایتدیره جکی اعطا امرلرینک اخبارنامه لرینی اصحاب استحقاقه » هر نظارت اعطا امرینی اسطار ایتدیکی زمان صاحب استحقاقه تبلیغ ایدنک اوزره براخبارنامه دخی تحریر وبونی اعطا امرینه لف ایدر . اشبو اخبارنامه اعطا امریله برلکده دولاشه رق محل تأدیه ده کی خزینه مأمورینه قدرکیدر « اعطا امرلرینی باقیه تسیار ایدر، ارباب استحقاق بونک اوزرینه باقیه بالمراجعه اعطا امرینی بالامضا حقنی آلور . باقیه هرکون تأدیه ایتدیکی اعطا امرلرینی خزینه مأمورینه ورر . اوده مقدما قید ایتدیکی دفترده اعطا امرلرینک خذاسنه تأدیه اولدینی اشارت ایتدکدن صکره اعطا امرلرینی باقیه اعاده ایدر وملحققات شعباتجه تأدیه اولنان اعطا امرلرینه ورود ایتدکجه تأدیه ستوننه اشارت ایدر .

خزینه نظارتی هر آی ایکیشر نسخه اوله رق ایکی نوع حساب تنظیم وبونلرک برر نسخه سی دیوان محاسباته ورر نسخه سی علاقه دار اولان نظارتلزه کوندیرر . بوایکی نوع حسابدن بریی دیوان محاسباته ویزه ایدلمش وخزینه ارسال اولنش اولان اعطا امرلرینه دیکری محتویاتی تأدیه اولنان اعطا امرلرینه مخصوصدر اشبو حسابلردن برنجیسی هر آی ویزه ایدلمش اولان اعطا امرلری ایچون فصل اوزرینه هر نظارته مخصوص اوله رق آیری آیری تنظیم اولتور . ایکنجیسی بوجه آتی تنظیم اولتور . ولایات مرکز لرنده کی باقی شعبه لری هر آی تأدیه ایتدیکی اعطا امرلرینی نظارت وفصل مفرداتی کوسترملک اوزره برنظارتلر نامه وقوع بولان تأدیاتک یالکزی کوتی حاوی اوله رق برکجهما ایکی حسابده بوایکی حسابده

ایکیشتر نسخہ در ، یاپار و بو حسابری خزینہ مأموری تصدیق ایلر .
 اشبو حسابلر اعطا امرلری ایله برلکده خزینہ نظارتنه کوندریلور .
 خزینہ نظارتی دفترینک تأدیبه ستوننه بعدالقید حسابک بر نسخہ سی امر
 اعطالرایله برلکده دیوان محاسبانه ارسال ایدر ، دیگر نسخہ سی کندوستندہ
 قالور . نظارت عائدہ سی تأدیاته سنہ نہایتندہ خزینہ دن آلہ جنی معلومات
 ایله مطلع اولور . ولایت خزینہ مأمورلری تأدیہ ایتدیردکری اعطا
 امرلرینک حسابی بانقہ نیک مرکز عمومیسنه کوندریرلر . مرکز عمومیدہ
 هر آی تکمیل شعبلرک اسامینسی عمودی و تأدیاتک یکونئی افقی اولوق
 اوزره نسخین اولورق تنظیم ایدمچکی حسابی خزینہ نظارتنه کوندریر .
 نظارت مذکورہ بو حسابی مقدما بانقہ شعبلرندن اعطا امرلریله برلکده
 کلدیکی بالادہ بیان اولنان مفرداتی حسابلرک یکونلریله تطبیق ایدرک
 امضاسی وضع ایدر و دیوان محاسبانه ارسال ایدر . دیوان محاسباندہ عینی
 صورتله تطبیقات اجر ایتدکدن صکرہ بعدالامضا خزینہ نظارتنه اعادہ
 ایدر اودہ بانقہ یه کوندریر .

دیوان محاسبانجه رد اولنان اعطا امرلری طوغریدن طوغری یه
 نظارت عائدہ سنہ کوندریلور . نظارت دیوان محاسباتک رد حقندہ کی
 مطالعہ سی قبول ایتدیکی تقدیرده او مطالعہ دائرہ سنده معاملہ اجراسی
 طبیعیدر . بو کی رد اولنان ویا استیضاح اولنان اعطا امرلرینک وکلان
 جوابلرینک قیدینہ مخصوص بر دفتر واردر . مختصاتک عدم کفایه سی ،
 امپوتاسیونک یا کلش اولسی ، سنین سابقہ بقیہ دیونی حسابیله سنہ حالہ
 بودجه سی آرہ سنده مناقلہ اجراسی و سنین سابقہ بقیہ دیونی حسابی حقندہ
 آتیدہ معلومات ویریله جکدر ، صورتلرندہ دیوان محاسباتک ردی قطعیدر .
 بو احوال دن ماعدا بر سبیلہ دیوانجه اعطا امرلری رد اولنورسہ ناظر
 عائدینک تکلیفی اوزرینہ مجلس وکلاجه اتخاذ ایدیله جک قرارایله مصرفک
 اجراسنه مأذونیت ویریله بیلور و دیوان محاسبات بو کی اعطا امرلرینی

قید احتیاط ایله ویزه ایدر . وبالاده امر نامه‌لرک تسجیلی حقنده بیان اولدینی وجهله هر اون بش کونده بر پارلامنتونک دائمی قومسیوننه بونلری یعنی رد اولنان اعطا امرینک سبب ردینی و مجلس وکلانک قرارینی بونک اوززینه دیوان محاسباتک مذاکراتی بیلدیرر . دیوان محاسباتک اعطا امرینی رد ایتمی تخصیصاتک مساعد اولماسی ، ماده‌سنه مطابق بولونمسی ، خطای مادی بی حاوی اولمسی ، اصول و قواعد مالییه و بودجه قانوننه مغایر بولنمسی خصوصاتندن عبارتدر . دیوان محاسباتده طوتیلان امپوتاسیون دفترینک نمونه‌سندن کلاسیله‌جفی اوزره صول طرفه ماده‌نک تخصیصاتی وضائم و مناقلاتی و ویزه ایدیلان اعطا امرلرینک و تخصیصات حواله نامه‌لرینک علی المفردات قیدی اجرا اولنور . بو اعطا امرلرله تحقیقات حواله نامه‌لری هر آی غایه‌سنده یکون ایدیلرک ایرتسی آی غایه‌سنده کی یکونه علاوه اولتوب بو صورتله تسلسل ایتدیریلور . بو یکونلرک هر ماه غایتده کیلمسنه سبب بالاده بیان اولدینی اوزره خزینه نظارتجه دیوان محاسباته ارسال اولنان دفترده کی یکون ایله تطبیق اولنه بیللمسی تأمیندن عبارتدر . صاغ طرفه تأدیه ایدلمش اولان اعطا امرلری ایله سنه نهایتده هنوز تأدیه ایدلماش اولان اعطا امرلری قید اولنور . « بو بابده کی نمونه‌لر ۲ نومرو تحتده ۲۵ عدد اوله‌رق تقدیم اولمشدر . »

دیوان محاسباتک عینیات و نقد محاسبلرینک کفالت و تأمیناته مربوط اوللرینه دقت ایتک حقنده کی وظیفه‌سی بروجه آتی اجرا اولنور . دیوان محاسبات بو وظیفه‌سی اجرا ایتک ایچون مختلف اداره‌لر حکومت مأمورلرینک ویرمه‌ک مجبور اولیانلری تفتیش ایدیه‌جک مأمورینک جدولی دیوان محاسباته کوندرملری لازمکلور . کفالت ایچمنک قبولی متضمن اولان اوراق دیوان محاسباتک ویزه‌سنه تابعدر . کذلک کفالت ایچمنک تزیینه ، نقله متدائر اولان اوراقده دیوانجه ویزه‌سی مقتضیدر .

هر تحصیلدار، تحصیل ابتدایی مبالغی ولایت تحصیلدارینه تسلیم ایدر. ولایت تحصیلداری تحصیلات مجموعی بانقدهیاتیر و مقبوضات و تسلیماتی و تحقیقات ایله بقیه مطلوباتی مبین هر آی بر حسابی نظارت عائدنه ارسال ایدر. نظارت عائدنه سی بوحسابی فصل اوزرینه اجمال ایدرک بوحسابلر ایله برلکده دیوان محاسبانه کوندیرر. «نمونه نومرو ۳ عدد ۱».

دیوان محاسبات بونلری فصل اوزرینه اچلمش اولان دفتره قید ایدر بوندن بشقده هر سنه نهایتده ولایت تحصیلدارلری سنه لك حسابلری اوراق مثبتیهله برلکده دیوان محاسبانه کوندیرلر. اشبو اوراق مثبتیه واردات ایچون ایراد مقبوض قوچانی و تسلیمات ایچون دخی بانقده مك مقبوض سندیدر. بوحسابلرده واردات تحقیقاتی ده کوستریلور. انجق واردات اوراق تحصیلیه سنك كثرته بناء بونلریكان یكان تطبیق ایدیه میه چكسندن ناشی بعضاً جلبدن صرف نظر ایدلمكده و آنك یرینه مالیه مفتشلرینك ودوائر متعلقه سی محاسبه مدیرلرینك تدقیقی حاوی و تحقیقاتك اوراق مثبتیه سی توزیع جدوللری کبی اوراق ایسه ده «تحقیق تحصیلنه تابع اولان واردات ایچون بالطبع توزیع جدولی یوقدر» بونلر كده کورلمنه امکان متصور اولمیدنی ایچون بونلر حقنده دخی ولایات مالیه مفتشلرینك تصدیقی محتوی و ناقله اکتفا اولنمقده در. (تحصیلدارلر ك سنوی دیوان محاسبانه کوندردکلری حسابك معیادی سنه لك ختامندن اعتباراً اوچ آیدر و نظارتلر ك دیوان محاسبانه کوندردکلری بالاده بیان اولنان شهری خلاصه لرك معیادی ایرتسی آيك اونجی کونیدر. حسابات مذکوره ذکر اولنان معادلرده دیوان محاسبانه ورود ایتمز ایسه مدعی عمومی دیوان محاسبات هیئته اخبار کیفیت و برمهیل مناسب اعطاسنی تکلیف ایلز اکر بومهلک انقضاسنده ده حساب ویرلماز ایسه مدعی عمومی طرفدن جزای نقدی طلب ایدیلور اشبو جزای نقدی مأمورینك نصف معاشندن و معاشنی یوق ایسه (۲۰۰۰) فراقتدن فضله اوله مازمع هذا ایشك اهمیته کوره محاسبك

تبدیل ویاعزلی ناظر عائدینه تکلیف اولنه ییلور . انجق شمدی به قدر بونیه برجزای نقدی حکم ایدلمدیکنی مدعی عمومی افاده ایلشدر . ولایات تحصیلدارلنی وظیفه سیله خزینه دارلق وظیفه سی اکثر یرلرده ایتالیا بانکه سی طرفندن ایفا اولنمقده و بانکه بونک ایچون کفالته مربوط بولنمقده دره . (بانکه کفالت مقامنده (۹۰) ملیون فرانقلق دولت تحویلاتی ده پوزیتو ایتشدر ، انجق بعض جنوب ولایتارنده مثلا ناپولی وسیجیلیاده ولایت تحصیلدارلنی وظیفه سی ناپولی وسیجیلیا بانکه سی طرفندن ایفا اولنمقده دره . هر نه قدر مذکور محللرده دخی ایتالیا بانکه سنک شعبه سی بولنمقده و خزینه دارلق وظیفه سی ایفا ایتمکده ایسه ده ولایت تحصیلدارلنی وظیفه سی عندالمزاید ذکر ایدیلان بانکهلرده قالمشدر (بومزاید دن مقصد هانکی بانک کفالت انچه سی فضله ویره جکنی تعییندر) .

ایتالیا بانکه سی مرکزی هر سنه نهایتدن اوچ ماه صکره عموم شعباتی حسابی بالا جمال دیوان محاسباته ارسال ایلر بو حسابیه تحصیلدارلر طرفندن بانق شعبه لرینه وقوع بولان تسلیاتک قلم قلم مفرداتی حاوی اوله زق شعبه لر دن کلش اولان حساباتی و شعبه لر طرفندن تحصیلدارلره ویریلان مقبوضک قوچانلری و آیلق اولاق اوزره خزینه نظارتی معرفیه دیوان محاسباته کوندربلویده بعد الامضا کندوسنه اعاده اولنان و بالاده ذکر اولنان اون ایکی عدد حسابی ده لف ایدر . حساب سنوینک واردات قسمی اولان شعبه لر حساباتک یکونیه نانیاً شعبه لر حساباتنده کی یکون مفرداتی قوچانلر ایله تطبیق اولندینی کی مصرف قسمی دخی مذکور اون ایکی آیلق حسابلر ایله تطبیق ایدیلور ، مع هذا واردات ایچون ایکنجی برمدار تطبیق واردکه اوده بالاده ذکر اولندینی اوزره تحصیلدارلردن سنوی النان حساباته ملفوف اولان بانکه نک مقبوض علم و خبر لیدر .

خزینه نظارتی هر سنه نهایتنده وارداتی اولان دواثره مطبوع جدوللر

کوندیرر . بوجدوللرده مجلس مایجه تصدیق ایدلمش اولان بودجهده محرر سال حال واردات مخناتی ایله سنین سابقه وارداتنک بقیه تحصیلاتی ستون مخصوصلارنده کوستریلور . نظارتلر Receveur provincial ولایت تحصیلدارلرندن الدقلری حسابلر اوزرینه قید ایتمش اولدقلری دفترلرندن سنه حالیه تحقیقات و تحصیلاتی و سنین سابقه تحصیلاتی اشبو جدوللرک تحقیقات و تحصیلات ستونلرینه و سنین مرقومه بقایاسی ده ستون مخصوصلرینه املا ایدر . هر نظارت مصرف مخناتی بودجهدن تحقیقاتی اعطا امرینی اسطارا ایتدیکی زمان قید ایتدیکی امپوتاسیون دفترندن و تأدیاتی خزینه نظارتنک ویردیکی معلوماتدن تشکیل ایدر . نظارتلر اسطارا ایتدکلری اعطا امرلرینی دفتر مخصوصنه قید ایتمش بولندقلرندن خزینه نظارتندن سنه نهایتده آلدینی تأدیات مقدارینی بوندن بعد التزییل بقیه تأدیاتی تعیین ایدر . نظارتلر بوصورتله حساب عمومیلرینی تنظیم ایدرلر . بونک ایچون نظارتلره سنه مالیه نك ختامندن اعتباراً اوچ ماه مدت ویرمیشدر . (۳۰ ایلول سنه) . خزینه نظارتی بوحسابات عمومیه بی جمع ایدرک ۲۵ کون ظرفنده (۲۵ تشرین اول) دیوان محاسباته کوندیرر . اشبو حساب عمومی ایکی قسندن مرکبدر . برنجی قسمی بودجه فصولی ایله متناظر اوله رق بروجه آتی موادی جامعدر .

اولاً سنه حالیه بودجه سنده کی وارداتنک مخنات و تحقیقات و تحصیلات و بقیه تحصیلاتی ثانیاً سنه حالیه بودجه سنده مصارفک مخصصات ، تحقیقات و تأدیات و بقیه تأدیاتی ثالثاً شهمندوفرلر انشا آتی و سرمایدرک تحولاتی ایچون واردات و صرفیاتی رابعاً بودجهیه تعلق ایتیمدرک اشخاص ثالثه حسابنه اجرا ایدیلان معاملاتی خامساً یکمیش سنه لرك بقیه دیون و بقیه مطلوبی حسابی سادساً بودجه نك هر فصلنه محسوباً خزینه طرفندن قبض ایدیلان و تأدییه اولنان مبالغت حسابی سابعاً سنه آتییه نقل اولنان بقیه دیون و بقیه مطلوب حسابی . ایکنجی قسمی حکومتک اموال منقوله

و غیر منقولہ سنك معروض اولدینی تحولات ایله برابر حساب عمومینی کوستر. بوندن بشقه حساب عمومی به بالجله حسابات مخصوصه ده علاوه ایدیلور. اشو حسابات مخصوصه شونلدر : خزینہ نك بالعموم معاملات نقدیه سی ، کلیسارلر ناند اولان املاك ، حكومتك انحصار الته الدینی صنایع ، اعتبار معاملاتی ، خزینہ بونولرینك اخراجی و تأدیاتی ، حكومتك تحت اداره سنده بولان مؤسات و اعمالا تخانه لر ، پوسته تصرف صندوقلری ، خزینہ حكومتك کیریشدیکی بالعموم معاملات دیوان محاسبات ۳۵ کون ظرفنده ۳۰ تشرین ثانی سنه ، تطبیقات لازمه سی بالانجرا نتیجه مذاکراتیله برلکده خزینیه اعاده ایدر ، خزینہ ناظری معرفتیله پارلامنتویه تقدیم اولنور. اشو حساب عمومیده خزینہ مدیر عمومی نك خزینہ ناظرینك و دیوان محاسبات رئیسك امضاری واردر .

دیوان محاسبات حساب عمومی مخمات و مخصصاتی بودجه ایله و وارداتك تحقیقات و تحصیلات و بقیه مطلوبات مقادیرینی نظارتلردن آلوب بردفر مخصوصه قید ایتمدیکی معلوماتدن استخراج ایلمدیکی نتایج ایله و مصارفك تحقیقات و تأدیات و بقیه دیون مقادیرینی امپوتاسیون دفترلری ایله تطبیق ایدر . حساب عمومیده بودجه خارجی اوله رق کوستر بلان معاملات تطبیقاتی ایسه بوجه آتی اولور. دیوان محاسبات هر آی نهایتده ۱ مرکز وزنه دارندن Trésorier central ، عموم ولایات ایچون وزنه دارلق وظيفه سی ایفاییدن ایثالیایا باقمه سندن ۳ ضربخانه وزنه دارندن ۴ جزؤدان وزنه دارندن ۵ مستملكات وزنه دارندن بالعموم مقبوضات و مدفوعات مین بر حساب آلور . بوحسابلردن ایکی عددینك نمونه سی ۴ نومرو تحتده تقدیم ایدلمشدر . بوحسابده بودجه داخلی اوله رق وقوع بولان مقبوضات و تأدیاتك دیوان محاسباتجه تطبیق ایچون امپوتاسیون دفترلری و دوائر محاسبه مدیریترلردن کوندر بلان تحصیلات حسابی اوزرینه متخذ دفتر استعمال اولنور. بودجه خارجی معاملات شونلدر . اولاً خزینہ بونولری و چک لری

ثانیاً نقل نقود معاملاتى ثالثاً باقہ نك قاصد درالق وظیفه سنی ایفا ایتدیكى مؤسسات واردات حسابلى . خزینہ بونو وچككرينك كرك اخراجندہ وكرك تسويه سنده دیوان محاسبانہ معلومات ویریلور و دیوان محاسبانجہ بونلر برردفتر مخصوصہ قید اولنور واشبو دفتر موضوع بحث اولان قسم ایچون مدار تطبیق اولور. نقل نقود معاملاتى بروزندہ دارك تودیع ایتدیكى دیگرى قبض ایدہ چكى جهتہ بر حسابك مقبوضات قسمنده محرر اولان مبلغ دیگر حسابك مدفوعاتندہ کوریلہرك تطبیق ایدلمش اولور. باقہ قاصد دارلق وظیفه سنی ایفا ایتدیكى مؤسسات ایچون ذاتاً مؤسسات مذکورہ نامنہ تحصیل ایتدیكى مبالغدن فضلہ تأدیاتدہ بولنہ میہ جنی جهتہ بشقہ بر قونطرولہ حاجت یوقدر . اشته بوصورتلہ تدقیق ایدیلان اشبو حسابات شهریه « هر حساب شهرى شهر حال معاملاتندن ماعدا شهور سابقہ معاملاتك یكوتی ده حاویدر . ، دیوان محاسبانجہ متخذ اولان بر دفتر اوج آیدہ بر قید ایدیلور . اشبو دفتر محاسب اسملى عمودى وانواع مقبوضات ومدفوعات افقى اولہرق ترتیب ایدلمشدر. دفترہ قید اولنان دردنجی اوج آیلق حساب ایلہ برسنہ ظرفندہ كرك بودجه داخلی كرك بودجه خارجی مقبوضات ومدفوعات دیوان محاسبانجہ تدقیق واحمال ایدلمش بولنہ جفتندن حساب عمومیدہ مندرج ترہ زورہ ی معاملاتیدہ بودفتر ایلہ تطبیق اولنور.

بالادہ بیان اولنان مذاکرات ایلہ برابر دیوان محاسبات پارلامنتویہ بررپور ویرز. بررپور بودجه نك قطع حسابی حقندہ کی لایحه میہ مستنددر. زاپورده باشلیجه خصوصات آتیہ ذکر اولنور. قید احتیاط ایلہ ویزہ ایتدیكى امر اعطالر ، امر ناملر واوراق سائرہ نك اسبابی ، مختلف ادارہ لرك تبعیت ایتدکلى مالی واداری تدابیر حقندہ مطالعات ، ادارہ مالیہ میہ متعلق قوانین ونظاماتك تکملاتی ایچون لزوم کوردیكى اصلاحات وتعدیلات Contentieux مسائل . حساب عمومینك تدقیقات وتطبیقاتی

و بودجه‌نك قطعی حقیقه‌کی نظامنامه‌نك مذاکراتی و براز اول بحث اولان راپور دیوانك هیئت عمومی‌سند یاییلور . « بودجه‌لر ، حساب عمومی ، دیوان محاسباتك راپوری ۵ نومرو تحتبده ۱۲ عدد اوله‌رق تقدیم اولمشدر . »

کندوسنه آوانس و یریلان و یا حواله نامه کوندریلان مأمورلر هر آی اداری *Compte administratif* بر حساب تنظیم و نظارت عانده‌سند ارسال ایدرلر . نظارت بونلری بعد التدقیق دیوانه کوندریر . بو حساب دیوانده اوایشه باقان شعبه‌یه حواله و اوراده تدقیق اولنور ، شعبه مدیری حسابده موجب استیضاح برشی کوررسه او شعبه‌یه مأمور اولان اعضا ایله مذاکره و مناقشه ایدر اعضاده او اسبابی محق کوررسه تحریراً منسوب اولدینی هیئت بیلدیرر . هیئت مذاکره ایله یا قبول و یارد ایدر . قبول ایتدیکی و ناظرک ده شارژ حقیقه اولوب دیوان محاسباته کلش اولان امر نامه‌سندی بعد التدقیق موافق کوردیکی تقدیرده قید و تسجیل و ناظره اعاده ایدر . ناظرده آوانس اولان مأموره کوندریر .

واردات تحصیل و مصارف اجرا ایدن هر محاسب سنه ختامندن اوج آی صکره دیوان محاسباته قونت ژودیسیر *Compte judiciaire* دنیلان بر حساب و بررکه بو حسابلردن یوقاروده بحث ایدلشدرد « واردات تحصیل ایدن محاسبلردن *Receveur* لرك حسابی بر تفصیل بیان ایدلش ایدی . بوسته تلقراف و مکرك مأمورلرینك حساباتی ده بویله‌در . مصرف اجرا ایدن محاسبلردن دولت خزینه دارلقی اجرا ایدن ایتالیا بانکهنك حساب سنویسندن بحث ایدلش ایدی ، بو حسابلر دیوان محاسباته ورود ایدنجه اوجنی قسمك باش کتسابت تودیع اولنور . اوراجه اوراق دفترینه بعدالقیق بونك تدقیقه مأمور اولان ممیزه تودیع اولنور . اگرچه حسابلرك ممیزلره حواله‌سی نظاماً ریاسته عانده ایه‌ده فعلیاتده بواصوله‌پكده رعایت ایدلمیه‌رك هر سنه ابتداسنده رئیس نظارتلردن ورود ایده‌جك حساباتك

هر برخی هانگی ممیزك تدقیق ایده جگنی ارأه ایدر برجدول ترتیب ایلر .
 بر حساب کلده بوجدول موجبجه هانگی ممیزه حواله اولنه جنی معلوم
 بولنه جفندن باشکاتب طرفندن توزیع ایدیلور ممیزلر طرفندن حساب
 تدقیق ایدلدکدن صکره تنظیم اولنان راپور مدعی عمومی به ویریلور .
 مدعی عمومی و یا معاونی بوراپوری مطالعه و ایستدرسه اوراقی و وثائق
 سائره یی جلب ایده رک تعمیق تدقیقات ایدر وراپور مقام ریاسته تقدیم
 اولنور رئیس بوم محاکمه یی تعیین ایدر . حسابک دائره جه انهای محاکمه سنده
 مدعی عمومی یا حسابک قبولی و محاسبک برأتنی و یا خود عدم قبولیه
 محاسبک محکومیتی طلب ایدر بونک اوزرینه هیئت حسابی یا قبول و یارد
 ایدر ورئیس حکمی افاده ایلر یعنی محاسبک بری الذمه و یا اله جقلی اولدیغی
 کوررسه برأتنه حکم اعطا و صوک حسابی ایسه کفالت اچمه سنک ردیی
 و املا کنه موضوع جزك فکنی امر ایدر عکسی تقدیرده ذمتی تعیین
 ایدر و ایجاب ایدرسه محاسبی تأدیه به محکوم ایدر . محاسب منسوب اولدیغی
 دائره طرفندن حکم اعلامنک کندوسنه و یا اقامتگاهنه تبلیغی تاریخندن
 اعتباراً اعتراض ایده بیلور . اعتراض حکمک اجراسنی تأخیر ایتمز مکرکه
 دیوان محاسبات طرفندن مدعی عمومی استماع ایدلدکدن صکره حکمک
 تأخیر اجراسنه قرار ویریلر . انهای محاکمه ده اعضانک دائماً تک عددده
 اولسی لازمدر . حسابی تدقیق ایدن ممیز رأی ویرر . فقط اوزمان
 اعضانک الک کنجی رأیه اشتراك ایتمز . شویله که برکونده اعضا تشکیلاتی
 و راپورتور اولان ممیز دائماً دکشدیکی ایچون « درت بش کره دکشه بیلور
 دیمک اولیورکه الک کنج اعضا اصلاً رأیه اشتراك ایتمز مکرکه بعض
 خصوصی مسائلده کندوسی راپورتور اوله ، هیئت عمومیه یا الکز جمعه
 کونلری اجتماع ایدر . دیگر هیئتلر ایسه هفته ده ایکی دفعه طوبلانورلر .
 هیئت عمومیه Compte judiciaire مندا کراتیه اصلاً مشغول اولماز .
 یا الکز وظیفه یی تجاوز Excès de pouvoir ایله عدم صلاحیتدن ناشی

ویریلان قرارلر حقنده اوچ ماه ظرفنده مراجعت وقوع بولورسه محکمه تمیزده نقص اولته بیلور. محاسبک اوچ سنه ظرفنده دیوان محاسباده اعاده محاکمه طلب ایتمکحق واردر. اعاده محاکمه اسبابی بروجه آتیدر: اولاً حسابده ویا ایشده خطا وقوعی ثانیاً کرک دیگر حساباتک انشای تدقیقنده وکرک دیگر صورتله نییان وقوع بولدیغنک ویا بر قلمک ایکی کره حسابده ادخال ایدلدیکنک اکلشلمسی ثالثاً اعلامدن صکره یکی اوراق مثبته‌نک الده ایدلمسی رابصاً حکمک ساخته اوراق مثبته‌یه مستند بولغسی. اعاده محاکمه حقنده حکم اعطاسی دائماً اعاده محاکمه طلبنک قبول ویا ردی حقنده مدعی عمومینک رأیی الذقدن صکره ویریله‌جک قراردن صکره اولور. ایکنجی و اوچنجی ودردنجی اسبابده نیسانک ویا استعمال مضاعفک ویا یکی اوراق مثبته استحصالنک تاریخندن واوراق مثبته‌نک ساخته اولدیغنک کشف ایدلمسندن اعتباراً اوچ سندن صکره اونوز کون دها مهل ویریلور. بالاده ذکر ایدیلان احوال مدتده اعاده محاکمه رأساً ویا مدعی عمومینک طلبی اوزرینه دخی اوله‌بیلور. اعلامک اعاده‌سی انجیق حسابک یا کلش اولان قسمی ونتیجه‌سنده اجرا ایدیلان تصحیحاتی ایچون حائز تأییدر. دیوان محاسباتجه ویریلان محکومیت اعلاملری ال یازیسی ایله یازیلور واعلامی ویرن دائره‌ده حفظ اولتور. حساب ایسه مخزن اوراقه کوندریلور. محکومیت اعلاملری بوللی کاغذلره یازلمق لازمکلیر ایسه‌ده عادی کاغذلره یازیلورق پول خرجی محکوم علیهدن استیفا اولتور. ده‌شارژ اعلاملری ایسه مطبوعدر و حسابیه ربط ایله مخزن اوراقده حفظ ایدلمکده‌در. کرک ده‌شارژ وکرک محکومیت اعلاملری مدعی عمومی معرفتیه مأمورک منسوب اولدیغی اداره‌یه کوندریلور. و محکومیت تقدیرنده تحصیل ایچون خزینه مدیریت عمومیه‌سنه اخبار کیفیت اولتور. ناظر اعلامی طریق عدلی واسطه‌سیله علاقه‌داره تبلیغ ایدر. دیوان محاسباتک ویردیکی اعلاملرک تفسیری مسائلنده حکم اعطاسی

منحصر آدیوانه عائددر. اعلامر رئیس ایله مذاکرهده حاضر بولان اعضا طرفندن امضا ایدیلور .

« دیوان محاسبایجه ویریلان اعلام نمونه لری و متفرعاتی ۶ نومرو تحتنده ۱۴ عد اوله رق تقدیم اولمشدر »

ولایات حسابلری ایچون دردنجی هیئت مأمورددر . بو حسابلرک شکل تنظیمی و اصول تدقیق بروجه آتیدر . ولایات بودجه لری نکیچ اجرا آتی حاوی اولان سنه ک حسابلر ولایت محاسبه هیئت طرفندن تنظیم اوله رق ولایات مجلس اداره سنه تقدیم اولنور . ولایات مجلس اداره سی اشبو حسابی اعضادن برینه تدقیق ایتدیردکن و مذاکره و محاکمه سی اجرا ایتدکن صکره دیوان محاسباه کوندردر . بو حساب اولاً سنین سابقه بقایاسیله وقوع بولان تحصیلاتی ثانیاً سنه جاریه وارداتنک مخمات و تحصیلاتی ثالثاً سنین سابقه بقیه دیونیه وقوع بولان تأدیاتی رابعاً سنه جاریه مصارفاتنک مخصصات و تأدیاتی حاویدر . حسابک واردات قسمی قبض اولسان مبالغه مقابل اصحاب تکالیفه ویریلان مقبوض قوچانلرینه متناظراً علی المفردات و مصارف قسمی ایسه اعطا امرلرینه متناظراً مفردات وجهله املا اولندقدن صکره ، واردات قسمی نوع اعتباریله و مصارف قسمی فصل اعتباریله اجمال اولنور . بونی متعاقب وزنه نکی مقبوضات و مدفوعاتده ارائه اولنور . حساب وبالاده بیان اولان اوراق اصلیه دن بشقه حسابک واردات قسمی ایچون ایراد مقبوضک قوچانلری ، مصارفات قسمی ایچون اعطا امرلری و مصرفک انواعنه کوره تسلیم علم و خبرلری و هیئت فیه راپوری و مناقصه قائمه لری اوراق مثبتیه اوله رق حسابله برلکده دیوان محاسباه کوندریلور . اشبو حسابله برابر دیوان محاسباه ارسالی لازمکلان اوراق اصلیه شونلردر . ۱ مجلس ولایتجه تصدیق ایدلمش اولان ولایت بودجه سنک والی طرفندن مصدق صورتی ۲ ولایت مجلس اداره سی طرفندن تعیین ایدلمش اولان

دائمی مرخصلر جانبندن تنظیم اولنان حساب « اشبو حسابی آمر اعطا حسابی دیمکدر، چونکه بالاده ذکر اولندی بی اوزره ولایت بودجه سنک آمر اعطاسی هیئت مرخصه در » ۳ حسابک اثنای مذاکره سنده ولایت مجلس اداره سنجه اتخاذ اولنان مقررات .

حسابک واردات قسمنده کی تحصیلات ایله بقایانک یکونی واردات متحققه و مصارفات قسملرنده کی تأدیات ایله بقایانک مجموعی مصارفات متحققه دیمک اولوب تحقیقاتک صراحة اراه اولنماسی تحقیقاتدن محاسبک مسئول اولماسی حکمته منیدر. دیوان محاسباتجه اشبو حسابک واردات قسمی سالف الذکر قوجانلر ایله مصرف قسمی آمر اعطا و اوراق منبته سائر ایله تدقیق ایدلکدن صکره تحصیلات و صرفیاتدن محاسب مسئول ذممدار ویا بری عد اولنور . دولت بودجه سنک آمر اعطالری حقنده دیوان محاسباتک حق قضاسی یوق ایسه ده ولایت بودجه لرینک آمر اعطاسی اولان ولایات مجلس اداره سی دائمی مرخصلری ایکی حالده دیوان محاسباتک حق قضاسی داخلنده در اولاً مخصوص اولیان بر مصرفک اختیار ایدلمسی « بومصرف مجلس اداره جه اثنای محاکمه حسابده قبول ایدلامش اولور ایسه » ثانیاً نقده وضع ید ایدر ایسه اشته بویاکی صورته دیوان محاسبات مطلع اولور ایسه حسابک بحاکمه سنی تأخیر و آمر اعطایی عدلیه مدعی عمومینی واسطه سیله جاب ایدر و بالحاکمه هم آمر اعطایی هم محاسبی محکوم ایده بیلور .

نواحی حسابلریته کلنجه: بونلر نواحی مجالس سنجه کورلدکدن صکره ولایت مجلسلرنجه تصدیق اولنور . استیناف و قوعنده دیوان محاسبات طرفندن تدقیق ورؤیت اولنور استیناف تقدیرنده مرجعی دیوان محاسباتر « ولایت حسابلرینک شکلی حقنده نمونه و داخلیه نظارتنک تعلیاتی ۶ مکرر نومرو تحتنده تقدیم ایدلمشدر . » ولایت حسابلری حقنده دردنجهی هیئتک ویردیکی قرارله هیئت عمومی ده استیناف ایدیه بیلور . بوشعه

تقاعد معاشاتی امور یلده مشغول اولور انحق كرك علاقه دارك شكایتی و كرك مدعی عمومینك طلبی اوزرینه هیئت عمومی ایشه قطعاً حكم ایدر. بوشكایت و طلب ایچون طقسان کون مدت تعیین ایدلمشدر. هیئت عمومی نك صفتیله وظیفه سی بوايکيسندن عبارتدر. اداری اولان وظیفه سنه كلنجه اولاً دیوان مأمورلرینك انتخاب و سائره سی ثانیاً قید احتیاطله تسجیل ایتدیکی امرنامه لر ثالثاً حساب عمومینك راپوری رابعاً رئیسك مهم كوروب حواله ایتدیکی خصوصات اداره نك مذا كره سندن عبارتدره انحق بوكی خصوصات هیئت لرحه ویریلان حکملره شامل دكلدر،

امرنامه لر ك تسجیلی کیفیتی : هر نوع ماده عائد ارادات حكمداری دیوان محاسباته تبلیغ اولور مثلاً نفوس معاملاتنك اجرانسه و مأمورینك تعییننه دائر اولان ارادات قرالی دیوانچه تسجیل اولنور. بوارادات قرالیدن دیوان محاسباته کلیان قسملری اعیانك وولایاتده اولجه اراده قرالی ایله تعیین ایدیلان سند یقار ك تعیینی حقنده اراده لر در. دیوان حساباتك بوارادات قرالی حقنده تدقیقاتی خصوصات آتیه دن عبارتدر، اولاً بالعموم قوانین اساسیه مخالف اولوب اولمیدینی، ثانیاً بوارادات قرالی میاننده بالخاصه مالیه عائد اولانلر ك اصول و قوانین مالیه مطابق بولنوب بولمیدینی ثالثاً بوارادات قرالی به اقتران ایدن موادك اساسی تشکیل ایدن نظامانده شورای دولتن یا خود نظارت عائد سنده کی مجلس اداره دن قرار الحق مشروط ایشه بونك ایفا ایدیلوب ایدلمدیکی در. بوارادات قرالیدن كرك مالیه عائد اولسون كرك خصوصات سائره به متعلق بولنسون قوانین اساسیه موافق اولمیدینی کوریلور سه تسجیل ایدلمه رك رد ایدیلور، تکرار دیوانه اعاده ایدیلور سه قید احتیاط ایله تسجیل اولنور. اشته قید احتیاط ایله تسجیل اولنان امر نامه لری اون بش کونده بر اعیان و مبعوثان رئیس لرینه ویرر. بونلر دن جهت مالیه عائد اولانلرینه مستنداً ناظر عائدی طرفدن اسطفا اعطا امر لرینی

« اساسی رد ایتدیکی ایچون » رد ایدر. بروقتلر قید احتیاط ایله تسجیل اولنان براراده قرالی‌یه مستنداً تنظیم اولنان اوتوز عدد امر اعطایک جمله‌سی دیوان محاسباتجه رد ایدیلهرک آیری آیری مجلس معونان واعیانہ بیان کیفیت ایدلشدرد. انجق شمدی اشبو اعطا امر لرخی یکان یکان رد ایدرک آیری آیری مجلس معونان واعیان ریاسته عرض کیفیت ایدلمسندن صرف نظر اولنشدرد.

امر نامه قرالیرک قیدی شو صورتله اولور: بواصر نامه لر مختلف قسملره آریلور. اولاً بودجه‌یه متعلق امر نامه‌لره اون بر نظارت اعتباریله تصنیف اولنور ثانیاً ملکی وعسکری سبجیل نفوس معاملاتی Acte de gouvernement والحاصل بویله برطاقم قسملر وار.

ناظر عائدی امر نامه قرالینک نسخه اصلیه‌سی ایله امضاسی تحتده مطابق بر قوبیه‌سی دیوانه کوندریر. دیوان اصلیه قوبیه‌سک مطابقتی تدقیق ایتدکدن صکره ویزه ایدر وتاریخ وضع ایله نظارت عائدہ‌سسه کوندریر. قوبیه‌سی ایسه کندوسنده قالور. هر سنه قلملرده طوبالانیلان نسخ اصلیه مخزن اوراقه کوندریلوب حفظ اولنور.

ایتالیاده رسومات واملاک اداره‌لری طوغریدن طوغری‌یه مالیه‌یه مربوط اولدیغندن حسابلری دخی مالیه حسابی میاننده کورلمکده در. پوسته وتلغراف اموری ایسه مستقل بر نظارت حالنده اداره وحسابی رؤیت اولنمکده در. مسکوکات اداره‌سسه کلنجه بو اداره خزینہ نظارتنه « ایتالیاده مالیه ناظریندن ماعدا آریجه برده خزینہ ناظری واردرد » مربوط اولوب مصارفی نظارت مذکوره بودجه‌سی میاندن تسویه اولنور. اوافقلی سکده ضربی ایچون مبیاعه اولنان نیکل اثمانی دخی نظارت مذکوره‌نک مصرف بودجه‌سی میاندن تأدیہ اولنمسه مقابل ضرب اولنان آچقندن طولایی وقوغ بولان حاصلات واردات بودجه‌سی آره‌سنده اراشه اولنور. بوندن بشقه تورنده بش واون فراتقلق اوراق نقدیه ایله پوسته

و خزینه پوللری طبع ایدمک اوزره مـکوکات اداره سنک بر شعبه سی
واردر. بوشعبه نك بالعموم معاملاتى اوراده مقیم اتی عدد دیوان مأموری
طرفدن تفتیش ایدیلور. طبع ماکنه لرینک اناختارلری مأمورین موخی
الیهیم یدنده اولوب انلر اولمدنجه مطبعه ایشلیه من، کرك ضربخانه و کرك
مطبعه ماکنه لرینک مصارف تجدیدیه و تعمیریه سی وبالعموم مأمورین
و مستخدمین معاشاتیه عمله یومیه سی و دواثر حکومت ایچون طبع اولنه حق
قیمتلی اوراقك کاغذ ائمانی خزینه نظارتنک مصرف بودجه سندن تسویه
اولنوز. انحق دیگر نظارتلرک مصرف بودجه لرنده دخی کندولری ایچون
طبع ایتدیره جککری قیمتلی اوراقك کاغذ ائمانیه اجرت اعمالیه و طبیعه سی
قارشولنی داخل اولدیغندن مثلاً پوسته و تلغراف نظارتجه پول طبع
ایتدیرمک ایجاب ایتدکده نظارت مذکوره طرفدن تنظیم اولنان امر
اعطا خزینه نظارتجه بر طرفدن واردات بودجه سی میانشده استرداداً
ایراد د دواثر حکومتک عمومته لازم اولان قیمتلی اوراقك طبیعی ایچون
اقتضا ایدن کاغذ ائمانی و عمله اجورائی، خزینه نظارتنک مصرف بودجه سی
میانشدن امر اعطا اسطاریله تسویه ایدلمش بولندیغندن « یازلدیغی کبی دیگر
طرفدن ده پوسته و تلغراف نظارتی نامنه تأدیه یازیلور. بوضورتله معامله
اجراسنک کرك واردات و کرك مصارف یکونلری بیهوده یره تربید
ایده جکی و بو اصولک بودجه قواعد نظریه سنه مخالفتی اخطار ایدلدکده
یوبابده کی مطالعه نك اصابتی تسلیم ایدلمکله برابر معامله نك صورت معروضه
دائرة سنده اولدیغی و بونی محضاً مجلس مبعوثانک طلب و ابرامیه یابدقلى
افاده ایتدیلر.

سنه مالیه ۱ تموزده باشلار و ایرتسی سنه نك ۳۰ حزیراننده نهایت
بولور. تشرین ثانی طرفنده خزینه ناظری مطبوع اوله رق پارلامتوبه
اولاً سنه آتیه بودجه سنی ثانیاً سنه حالیه بودجه سنک تصحیحاتی ایچون
یر قانون لایحه سی ثالثاً کچن حزیرانک اوتوزنده قانان سنه نك حساب

عمومیدنی ویرر . سنه آتیه بودجه‌سی واردات و مصارفك حساب مخمنی
محتویدر . مصارف حساب مخمنده نظارتلر آیری آیری کوستریلور و بونلر آیری
آیری قانونلر ایله تصدیق ایدیلور . وارداتك حساب مخمنی مصارفك
یخلاصه حسابیه‌سی اوزرینه یاییلان قانون ایله تصدیق اولنور . سنه حالیه
بودجه‌سك تصحیحاتی ایچون یاییلان قانون لایحه‌سی بروجه آتی موادی
محتویدر . اولاً او وقته قدر پارلامنتو طرفندن قبول ایدلمش اولان قوانین
ایله ویاخود یکیدن لزوم و احتیاج حس اولندقدن احتیاط آجقه‌لری
اوزرندن صرفنه مآذونیت ویریلان مبلغ ایله تعدیلی ایجاب ایدن بودجه
فصولی ، ثانیاً تعدیلات مذ کورده دن متولد ضائم و تحولات ایله برابر
مصحح بودجه‌نك خلاصه‌سی . اشبو قانون ایله واردات و مصارف آره‌سنده
موازنه‌نی تأمین ایچون اتحادی مقتضی اولان تدابیرنه مآذونیت ویرلمش
اولور . بوقانونك قبول و تصدیقندن صکره خزینه ناظری پارلامنتو
اعضاسنه توزیع ایتك اوزره ایضاحاتی حاوی بر حساب تابلوسی تنظیم
ایتدیرر . بو حساب تابلوسنده بودجه‌نك هر فصلی ایچون بروجه آتی
خصوصات مندرجدر ؛ اولاً بودجه ایله ویریلان محصصات ، ثانیاً بودجه‌نك
تصحیحی حقنده کی قانون ایله اجراسنه مآذونیت ویریلان تعدیلات ، ثالثاً
بو تعدیلاتدن صکره سنه حالیه‌نك مخمات قطعی‌سنی تشکیل ایله‌ین مبالغ ،
رابعاً حساب عمومی نتیجه‌سنده کوریلان سنه سابقه‌نك بقیه تخصیلات
و بقیه تأدیاتی ، خامساً وزنه‌نك حال مالی مخمنی .

برسنه ظرفنده ویرلمش اولان تخصیصات اوسنه ظرفنده تعهد ایدلمش
اولورسه سنه نهایتنده امحا اولنور « بودجه‌یه نظراً ، تعهد ، حقیق بر
مصرف کی تلقی اولنور ؛ تعهد اولاً میبعك اشترا و قبض اولمشی ایله
ثانیاً بایعك معلوم ، ثالثاً مبلغك معین بولمشی ایله تأید ایدر » اکر مصرف
امر اعطایه اقتران ایشو ایسه خزینه مأموری سنه مالیه‌نك انقضاسندن
اعتباراً بر سنه مدته اشبو امر اعطایی تأدیه ایده‌یلور ، صاحب استحقاق

برسنة مدت ظرفنده مراجعت ایتهمش اولور ایسه امر اعطا ابطال اولنور .
 آنجق کرک تعهد ایدیلوبده امر اعطایه اقتران ایتیان کرک امر اعطایه
 اقتران ایتدکن صکره ابطال اولنان مبالغ ایچون صاحب استحقاقک
 بش سنه قدر مراجعت حق وارد و حین مراجعتده سنین سابقه بقیه
 دیوننه مخصوص اولان حسابدن تسویه اولنور . بش سنه خاتمه اشبو
 مبالغ اداره مرور زمانه اوغرار . فقط صاحب حق قوانین عادیهدن
 بالاستفاده مطلوبی حکمه ربط ایتدیکی حالده مصادف اولدینی سنه بودجه سنه
 قونیلورسه خاطره فصاندن یکی بر امر اعطایه مطلوبی استیفا ایدر .
 سنه سابقه بقیه دیوندن حسابی سنه حالیه حسابندن دائما آیری طوتلق
 لازمدر . بنابرین بقیه مذکوره یه عائد اولان هیچ بر مصرف سنه حالیه
 بودجه سندن تسویه اولنمیه جفی کی عکسی دخی جائز دکلدرد . برسنة
 وارداتندن تحصیل ایدیلهمیان قسمی اوسنه نهایتده احا ایدلر و تحصیل
 اولوتجه یه قدر بقیه مطلوب حسابنده کورنیور . مع هذا غیر قابل تحصیل
 بر حاله کلنجه بر امرنامه ایله بقیه مطلوبات تعدیل و تصحیح اولنور .
 اگر تشرین ثانیده پارلامنتو حال اجتماعده بولنماز ایسه سنه آتییه بودجه سی
 وسنه حالیه بودجه سنک تصحیحاتی حقدده یاییلان قانون لایحه سی و قیامش
 اولان سنه نك حساب عمومیدی مطبوع اوله رق پارلامنتو اعضاسنه توزیع
 اولنور . مجلس مبعوثانك انفساخی حالنده اشبو وثائق خلاصه جریده
 رسمیه ایله نشر اولنور و یکی مجلس مبعوثانك کشادی عقینده تقدیم
 اولنور .

واردات و مصارف عادی و فوق العاده قسملرینه آیریلور . مصارف
 عادیه ، مصارف مقننه و مصارف متحوله نامیه ایکی یه تقسیم اولنور . کرک
 عادی اولسون . کرک فوق العاده بولسون واردات و مصارف فصلار
 منقسمدر . اوتوز بیک فرانسی تجاوز ایدن واسباب جدیددن منبعث
 بولنان مصارف فوق العاده بر قانون مخصوص ایله تصدیق ایدلمدجه قسماً

ویاکلیاً بودجهیه داخل اولاماز ، بر فصلیدن دیگر فصله مناقله اجرایی جائز دکلدر . سنه آتیه بودجهسی قبول ایدیلنجه هرناظر هر فصله کی مبالنی صورت قطعیه ده مواد آراسنده تقسیم ایدر . مع هذا نظار بر فصل داخاند بر ماده دن دیگر مادهیه مناقله اجراسنه حائر صلاحیتدر . کرک بر فصلک مختلف ماده تقسیمی کرک اشبو ماده لردن برندن دیگرینه مناقله اجرایی حفته کی نظارتک امرنامهسی دیوان محاسباتجه قید وتسجیل اولور . هر سنه نهایتده هرناظر تاریخ اسطاردن اعتباراً بر سنه ظرفده تسویه اولنمیان اعطا امر لریله تاریخ تعهدندن اعتباراً بش سنه ظرفده هنوز امر اعطایه اقتران ایتیمان تعهدات ایچون بر حساب تنظیم ایتدیر . رک دیوان محاسبته کوندیرر . بو حساب اوچ قسمی محتویدر . اولاً امر اعطا اسطار اولنوبده تأدییه ایدلمیان مبالغ ، ثانیاً امر اعطایه اقتران ایتیموب یالکز بودجه حدودی داخلده تعهد ایدلمش اولان مصارف ، ثالثاً بودجه حدودی خارجده تعهد ایدلمش اولان مصارف . آنحق بو اوچنجی قسم ایچون ناظر مجلس مبعوثاندن تخصیصات منضمه مساعدیهسی آله رق بوکا دائر اولان الان امرنامهیی حسابله برلکده دیوان محاسبته کوندیرر . دیوان محاسبات بو امرنامهیی تسجیل ایتدکن صکره تعهداتدن امر اعطایه اقتران ایتیمان مبالغ بودفتر موجبجه سنه جاریه نک امپوتاسیون دفترینه « هر فصلی متعاقب صحیفهیه اوفصله عائد بقیه سنه لری آری آری اولق اوزره » قید اولور . بوندن بشقه هر سنه غایتده خزینه مأمورلری تأدییه اولنمیان اعطا امر لرینک نظارت و تاریخ اسطاری اعتباریله بر قطعه مفردات دفترینی تنظیم و خزینه نظارتی معرفتیه دیوان محاسبته کوندیرر و دیوان محاسباتجه بودفتر ناظر لردن کلن دفترده محرر امر اعطالرک قید لریله تطبیق ایدیلرک تعهدات بقیه سنه ذیلاً املا اولور .

دیوان محاسباتک تدقیق ایتدیکی حسابک مندرجاتندن مصرف تأدیاته عائد اوراق مثبته میاننده نقصان ظهور ایدرایسه بو اوراق تکرار طلب

ایدیلور. ینہ احراز ایدیلہ مدیکی حالہ محاسبہ تضمین ایتدیرلسی خصوصی ناظر عائدینہ یازیلور. ناظر مأمورہ تبلیغ ایدر. اگر مأمورین تضمیندن امتناع ایدر ایسہ معاشنک خسنہ مراجعت ایدیلور. معاشی اولماز ایسہ کیفیت ناظر طرفندن دیوان مدعی عمومینسنہ. بیلدیریلور کہ اودہ تکرار مسئلہ بی اوچنچی شعبہ یہ سوق ایدر. شعبہ مذکورہ دہ مأمورک بوپارہ بی تضمین ایتسنی تحت حکمہ آلیر. کفالت آچمسی واریسہ اندن استرداد ایدلیدیکی کی اموال واملانکنده مراجعت اولتور.

واردات اوراق مثبتہ سی تحصیل مذکرہ لریہ مقبوض سنداتنک دیب قوچانلری اولوب مقبوض قوچانلرندن ضایع اولان بولتورسہ اولوقت تحصیلات مذکرہ لریہ اکتفا اولتور. ہر ایکینک بردن ضیاعہ اوغرامسی واقع اولمامشدر. اعطا امرلرندن ضایع اولانلر حقندہ شوپولده بیان مطالعہ اولنمشدر: بولنرایکی قسمہ تفریق ایدیلور: برنجیسی تأدیہ اولنماش امر اعطانک ضیاعیدر کہ احوالہ محل تأدیہ دہ کی خزینہ مأمورلرندن مذکور اعطا امرینک تسویہ اولنمادیغہ دائر بریاننامہ آلدقندن صکرہ نسخہ نانہ سی تنظیم ایدیلورک برنجی نسخہ سنک ابرازندہ حکمی اولہ میہ جنی غزہ لرلہ اعلان اولتور. ایکنجیسی تأدیہ اولنماش اعطا امرینک ضیاعیدر کہ بوتقدیردہ صاحب استحقاقندن پارہ بی آلہ جغہ دائر بر مقبوض ورقہ سی آلتور. شاید مصرف کوسترلمسنہ رغماً اعطا امری محتویاتنک صاحب استحقاقہ ویرلمدیکی تین ایدرسہ (مقبوض آلہ مامق صورتیہ) ایش محکمہ یہ سوق اولتور ومحاسب بالطبع ضمان ایلہ محکوم اولور.

اوراق مثبتہ فصل و امر اعطادہ کی مسلسل نومرو آلتندہ ایکی سنہ دیوان محاسبات شعباتندہ حفظ اولندقندن صکرہ محزن اوراقہ کوندیریلور ویرمدت صکرہ دہ ولایاتدہ ویاخود مرکزدہ کی دہ بولرہ سوق ایدیلور، وعدہ سی کلنلرا حراق ایدیلور. اوراق مثبتہ دن بعضینک اون، بعضینک یکرمی، بعضینک اوتوز سنہ محافظہ ایدلسی ایجاب ایدر.

مصارف عسکریه ایچون آوانسلر ویریلور. ولایاتده بولنان طابورلر احتیاجلری اولان مبالغه‌سی بروجه آتی تدارک واستیصال ایدرلر. هر طابورک حساب مأموری شهر آتی ایچون هر آی برطاب ورقه‌سی یابار. بو طلب ورقه‌سی [*] شهر سابق موجودی اساس آنخا ایدیلرک تنظیم ایدیلور و بونی طابورک بویوک ضابطانندن بری تصدیق ایدرو طابور مجلس اداره‌سنه ویریلور. مجلس اداره‌جه بعدالتصديق حریبه نظارتنه کوندریلور. حریبه نظارتی بولبلنامه‌یی تدقیق ایتدکن صکره زیری مهر لیرک اعطا امری اصداژ ایدر و اخبارنامه دخی یازیلهرق اعطا امرینه لف اولنور. اشبو اعطا امری طریق معلومنی تعقیب ایتدکن صکره محل تأدیده کی خزینه مأمورینه کیدر و خزینه مأموری ده اعطا امرینه ملفوف اولان اخبارنامه‌یی طابوره کوندریر. طلب ورقه‌سنک زیرنده واضع الامضا بولنان طابور محاسبیه بویوک ضابطی بانقعه مراجعت ایدرک اعطا امرینک محل مخصوصنی بالامضا پاره‌یی آلورلر. بانقدهن پاره قبض ایتک ایچون مطلقاً بوابکی کشینک برلکده اثبات وجود ایتمی لازمدر.

دیوان محاسبات بوا عطا امرینی امپوتاسیون دفترینه یازمقله برابر آبروجه آنخا ایدلمش اولان آوانس دفترینه یازار. طابور حساباتی حریبه نظارتی شعبه مخصوصه‌سنجه تدقیق وتصدیق اولندقدن صکره هراوچ آیده بر دیوان محاسباته ارسال ایدلمک لازمدر. اشبو اوچ آیللق حسابک دیوان محاسباته میعاد ارسالی ایکنجی اوچ آی غایبه‌سنه قدر ایسه‌ده بعضاً آلتی آی ویا برسنه وبلکده دهافضله مهرور ایتدیکی واقعدر، بوحسابک صورت تنظیم وارسانی و دیوان محاسباتجه تدقیق بروجه آتیدر: طابورلر

[*] طلب ورقه‌سنده معاشات ضابطان و فرائد ربه و عددلری اعتبارله یازلدی کی مصارف سائرده آیری آیری کوستریلور و معاشاتدن قطع اولنقدن بولنان نقاعد عائداتی ده تنزیل ایدیلور و اعطا امری یوزاولاق رقم اوزرینه یازیلور مثلا ۱۵۶۲۸ فرانک طوتان بر طلب ورقه‌سی اوزرینه ۱۵۶۰۰ فرانک اعطا امری اسطار اولنور.

اوچر آیلقی حسابلری اوراق مثبتہ سیلہ برابر حربیہ نظارتہ کوندر لرلر .
 حربیہ نظارتی بوناری تدقیق وزیرخی تصدیق ایتدکن صو کرہ یابدینی
 حساب اجمالی بی محندن آله جنی حساب واوراق مثبتہ ایله برابر محاسبانہ
 ارسال ایدر . طابور لرجه تنظیم اولان بو حساب معلومات آتیہ بی حاویدر :
 اولاطابورک مصارفی ، ثانیاً اعطا امرینہ مستنداً آلدینی آوانس مقداریخی ،
 ثالثاً معاشات توقیفاتی ، رابعاً عیناً آله جنی تعینات اثمائی ، خامساً آوانس
 اولہرق آله جنی بارہ ایله تعیین اثمانک یکوتی ، سادساً مصارفیله عیناً ونقداً
 آله جنی مقادیرک موازنہ سی . مصارفہ نسبتہ مقبوضات فضلہ سی ایکنجی
 اوچ آیلق حسابہ نقل اونور . اوراق مثبتہ شونلردر : معاشات ایچون
 موجود ژورنالی (بو ژورنالک زیری طابور مجلس اداره سنجہ
 مصدقردر) ، آنبارلردن آلتان ارزاقہ اثمائی ایچون آنبارلردن ویریلان
 ارسالہ ورقہ سیدر طابور طرفندن آنبارلرہ ویریلان طلبنامہ اوزرینہ
 آنبارجہ تنظیم قلنان ایکی قطعہ حساب جدولک برنسخہ سی طابور زدندہ
 ارسالہ مقامندہ قالور ، دیگر نسخہ سی طابور محاسبک امضاسک حاوی
 اولہرق طابورک طلبنامہ سیلہ برلکده آنباردہ قالور ، آنباردہ قالان
 نسخہ سی آنبار حسابک اخراجات اوراق مثبتہ سی اولدینی کبی طابور
 زدندہ قالان نسخہ سی ده طابور حسابندہ کی معینات مقبوضاتک ارسالہ سی
 اولور) دیوان محاسبانجہ بو حساب اوراق مثبتہ مبعوثہ ایله تدقیق
 ایدلکدن صو کرہ دیوان محاسبانده طوتیلان آوانس دقتینک صاغ
 صحیفہ سنہ یازیلور . (طابورلرہ اعطا امریلہ ویریلان آوانس امپوتاسیون
 دفترینہ قید اولدینی زمان بو دفترک صاغ صحیفہ سنہ اولجہ یازلمشدی)
 بعدہ حربیہ نظارتندہ تنظیم اولنان حساب اجمالی دیوان محاسبانجہ امضا
 ایدیلہرک (تصدیق مقامندہ) نظارت مذکورہ یه اعاده و دیگرلری حفظ
 اولنور . طابور حسابلری و دیوانک آوانس دفتری و متفرعاتی ۷ نومرو
 تحتندہ درت عدد اولہرق تقدیم ایدلمشدیر .

نظار امانه اداره ایدیه‌جک ایشلر ایچون آوانس اعطا امرلری
 اسطار ایدیه‌یلورلر . فقط اشبو اعطا امرلری اوتوز بیک فرانفی تجاوز
 ایدیه من . کذلک بالاده ذکر اولندیفی اوزره عساکر بریه و بحریه‌نک
 احتیاجلرینه نظراً حساب ایدیش اولان مبالغ ایچون آوانس ویرلدیکی کبی
 سفارتلر ، قونسولاتولر و ممالک اجنیه‌ده بولان هیأت ، مملکت خارچنده
 حال سفر بریده بولان سفائن حربیه مصارفی ایچون دخی آوانس
 ویریلور . یالکز بو آوانسلر قاعده عمومیه‌دن مستثن اوله‌رق اوتوز بیک
 فرانفی تجاوز ایدیه‌یلور و مدت سفره کوره بعضاً جسم برمبلغ اوله‌یلور .
 بوباره آلتون اوله‌رق ویریلور . بوندن ماعدا دونما قوماندانی احتیاج
 ظهورنده خزینه ناظری اوزرینه بولیچه کشیده ایدر . بو آوانسلر
 تخصیصاتی احیا ایلر بوکبی آوانسلر حسابنک تصفیہ‌سی ایچون آلتی آی
 مدت تعیین ایدیش ایسه‌ده دونمانک مدت سفری تمادی ایدرسه بومدت
 اوزایه بیلور . دونماده آمر اعطا قودوردر . یالکز بو آوانسلرک بودجه
 شخصصاتیله محدود بولمنی طبعیدر . امانه اداره ایدیه‌جک امور
 ماهیتلری اقتضاسیجه شورای دولت قراری اوزرینه اداره حکمداری
 ایله تنظیم و نشر ایدیلن نظامات ایله تعیین اولنور . بو آوانسلر ایچون
 یازیله‌جق اعطا امرلرنده دائماً اراده حکمداری ذکر اولنور . آوانسلر
 بدایه ترتیب مخصوصنه مصرف قید ایدیلور . آوانسلردن غیر از صرف
 مبالغ واردات بودجه‌سنده بر فصل مخصوصده کوستریلور . بویله آوانسلردن
 صرف ایدیه‌میوب‌ده قالان مبالغ مقدارینی ناظرلر اوفصل داخلنده دیگر
 مصرفه ویره‌یلورلر . بونک ایچون صرف ایدیه‌میوب قالان و خزینیه
 اعاده قلتان مقدار بودجه‌یه ضم ایدیلور .

مثلاً شخصصاتی یوز بیک فرانفی اولان بر فصلدن اوتوز بیک فرانفی
 آوانس یاییلسه و بوندن آنحق یکریمی بش بیک فرانفی استرداد آیراد
 قید اولسه بو بش بیک فرانفی شخصصاته ضم ایدیلور . یعنی شخصصات

یوزش بیک فرانغه رسیدہ اولور . بونک ایچون علاقہ دار اولان ناظرک طلبی اوزرینہ خزینہ ناظری بر امرنامہ اسطار ایدر . دیوان محاسبانجہ بو امرنامہ قید و تسجیل اولندقدن صکرہ خزینہ نظارتہ معلومات ویریلور . خزینہ ناظری دہ علاقہ دار اولان ناظرہ اخبار کیفیت ایلر و اوودہ اعطا امری اسطاریلہ او مبلغ داخلندہ مصرف اختیار ایدہ بیلور . اعادہ اولنان آوانسار اوزرینہ مخصصاتک تزییدی حقندہ پایلان امرنامہ ۸ نوسرو آلتدہ تقدیم اولمشدر .

بالعموم معاشات قبل التادیہ ویزہ ایدلمدیکی کبی متقاعدین معاشاتی دیون عمومیه تأدیاتی ایجاراتدہ ویزہ ایدلمانزہ انحق بعدالتادیہ امپوتاسیون دفترینہ قید اولنور . معاشات تأدیاتی بروجه آتی اجرا اولنور : هر قلم مدیری نمونہ سی اوراق میاسندہ تقدیم اولنان جدولی تنظیم ایدرک تردزوریہ ویرر . اصحاب معاش بالمراجعه جدولک محل مخصوصنہ امضا ایدرک معاشلرینی آلورلر و جدولک محتویاتی تماماً تأدیہ ایدلدیکی زمان بانکہ بونی مصرف قید ایدر فقط بعضاً بر قلمہ عائد اولان معاش تواریخ مختلفہدہ ارباب استحقاقہ توزیع اولنہ بیلور، اوحالده بانکہ هر کون نہ مقدار توزیع ایتش ایسہ آتی مصرف یازمیوب سنہ حالیہ نہایتہ قدر معاش جدولانی نزدندہ حفظ ایدر . سنہ نہایتدہ جدولده اسمی محرر اولان ارباب معاشدن ینہ معاشنی میان بولنورسہ او مقداری تنزیل ایدرک متبایسی ایچون جدولی امر اعطا مقامندہ اولہرق صوک آیلق حسابنہ ربط ایدر . و بصورتلہ بعضاً بر آیہ مخصوص اولان جدول سنہ نہایتہ قدر تاخر ایدہ بیلور . کرک خزینہ نظارتندہ کی و کرک دیوان محاسباندہ کی امپوتاسیون دفترینہ کچماز . نمونہ ۹ .

تقاعد معاشاتنہ کلنجہ : متقاعدین اللرنده بولنان جزو دائلر ایلہ هر آی ناحیہ مدیرینہ بالمراجعه بر حیات اولدقلرینی الدقلری بر علم و خبر ایلہ تصدیق ایتدیردکن صکرہ خزینہ مأمورینہ کیدرلر خزینہ مأموری

علم و خبری امضا ایدر . متقاعدین بوندن صکره بانقہدن استحقاق لرخی
 آلورلر . بانقہ متقاعدینک التہ کی بر حیات علم و خبر لرخی الہرق و محل
 مخصوصنی صاحب معاشہ امضا استدی رہرک پارہ یی تأدیہ ایدر . واشبور
 حیات علم و خبر لری اعطا اسری مقامندہ اوراق مثبتہ در . و معاش تأدیہ
 ایدلجکہ خزینہ مأموری جزؤدانک محل مخصوصنہ تمغا اورور . نمونہ
 ۱۰ عدد ۴ .

بودجہ دہ ہر نظارت نامہ تخصیص ایدیلان مبالغ ناظر عائدینک
 تسینہ و کوریلہ جک لزومہ نظراً قسماً مرکز دہ و قسماً طشر دہ صرف
 اولنہ بیلور . طشر دہ کی مأمورین دولتک معاشاتی و مصارفات سائرہ سی
 حوالہ نامہ لر ایلہ تسویہ ایدیلور . والیر حوالہ نامہ ایلہ تخصیص ایدیلان
 مبالغ ایچون ایکنجی درجہ دہ امر اعطا درلر . امور مالیہ ایچون
 Intendant des Finances دنیلان مأمورلر و پوستہ معاملاتی ایچون
 پوستہ مدیر لری دخی آمر اعطا درلر . حوالہ نامہ لر دخی اعطا امر لرینک
 تابع اولدینی معاملہ یہ تابعدر و دیوانجہ حوالہ نامہ لر ویزہ ایدلکدن صکرہ
 خزینہ نظارتہ کلنجہ علاقہ دار اولان ناظرہ کیفیت اخبار و حوالہ نامہ نک
 محلہ کوندرلدیکی اشعار اولنور . حوالہ نامہ لر خزینہ نظارتی طرفدن
 طوغرہ بدن طوغری یہ طشر دہ کی خزینہ مأمورینہ کوندریلور . برولایتہ
 ویریلان حوالہ نامہ محتویاتندن محلنجہ صرف اولنہ میان مقداری دیگر
 احتیاجی اولان بر ولایت ناظرک مساعدہ سیلہ نقل اولنہ بیلور و مقابلندہ
 النان مقبوض علم و خبری برنجی ولایت حسابندہ اوراق مثبتہ اولہرق
 ابراز ایدیلور . محلنجہ صرفہ لزوم قالمیان حوالہ نامہ فضلہ سی آوانسردن
 استرداد حقندہ جریان ایدن معاملہ یہ تابعدر .

کوک واردات و کک مصارف اوراق مثبتہ سنک انواعنی تعیین ایدن
 بر تعلیماتنامہ یوقدر . صورت عمومیہ دہ مصارف ایچون مقاولہ نامہ لر

شرطنامه لر قونطور اتولر، تسلیم علم و خبرلری فاطوره لر اوراق مثبتینی تشکیل ایتمکده در .

بر محاسبک وفاتی تقدیرنده حسابی ورثه سی طرفندن تنظیم اوانور . ورثه سی اظهار عجز ایدرسه اداره سنجه رأساً تنظیم ایدیلور . عزل ایدیلان ویا تحویل مأموریت ایلان محاسبلر عقیب انفصال ویا تحویل لرنده حسابی تنظیم واعطایه مجبوردر . محاسب حسابی ویرمامکده اصرار ایدرسه مدعی عمومینک طلبی ایله دیوان محاسبات طرفندن ویریله جک قرار اوزرینه مصارفی کندوسنه عائد اولمق اوزره تنظیم ایتدیریلور .

دولت فابریقه لری خارجیه اشیا صائمازلر . یالکز زاندارمه و مرک قوچیلیری حکومت مأمورلرینه لازم اولان اسلحه یی مساعدۀ مخصوصه ایله اعمال ایده بیلورلر . بونلرک بدلی دائرة عائدۀ سندن تنظیم اولنان اعطا امری ایله خزینۀ نظارتجه « پوسته و خزینۀ بولاری مصارف طبیعیه سی حقنۀ جریان ایدن معامله کبی » ایراد و مصرف یاییلور . بوندن ماعدۀ فابریقه نک مربوط اولدینی نظارت بوصورتده اعمال ایتدیکی اشیانک ائمانی کندی مختصصانه اعاده ایتدیرمک اوزره خزینۀ نظارتنه مراجعت ایدر و نظارت مذکورده تدقیقات قیودیه بالاجرا دیوان محاسباته بوکا دایر بر امرنامه اسطارا ایتدیکی کبی نظارت عائدۀ سنده معلومات ویرر . بو فابریقه لر لازم اولان مواد ابتدائیۀ نظارت عائدۀ سی بودجه سی میانسندن تسویه اولنوب ایریجه سرمایه ایله اداره اولتماز . دولتک تحت انحصارنده بولن فابریقه لر معمولاتی بالطبع خارجیه صاییلور .

دوائر حکومتده بولنان اشیای مستعمله عائد اولدینی مأمورلر طرفندن صاییله رق ائمانی خزینۀ نظارتنه تسلیم اوانور .

دیوان محاسبات اعطا امرلرنده بر یولسزلق کوررسه بونی ویزه دن امتناع ایدرانحق یوقاروده سویلندیکی وجهله ناظر عائدی طرفندن وقوع بولان طلب اوزرینه قید احتیاطله تسجیل ایتدیکی هر اون بش کونده

بر مجلس اعیان و مبعوثان رئیس‌ترین بیلدیردیکی کبی قید احتیاطله ویزه
ایندیکی امر اعطالری بیلدیریر. امر اعطا اولان نظارک مسئولیت مالیه‌لری
جای مناقشه بر مسئله‌در. نظارک محاکم‌سی قانون اساسی اینجانبه دیوان
عالی‌یه عائد ایه‌ده، دیوان عالی نظاری یالکیز جهت جزائیه‌جه محاکمه
ایدرك تضمینات کبی مالا مسئولیت‌ترین حکم ایتیمکه حائز صلاحیت دکلدر
محاکم جزائیه اشخاص حقنده جزا حکم ایتدیکی حالده تضمینات و ضرر
وزیان مسائله حکم اعطاسنه حائز صلاحیت اولدینی کبی، انجق ایتالیاده
نظارک مسئولیت مالیه‌لری حقنده حکم اعطاسی صلاحیتک کیمه عائد
اولدینی مسئله‌سی هنوز حل ایدلماشدر ارباب حقوقدن بعضیلری بو
صلاحیتک دیوان محاسباته عائد اولدینی فکرند بولندقلری حالده دیگر
بر طاقم حقوقشاسرقوه اجرائیه اعضاسنک دیوان محاسباتک حق قضایی
داخلنده اولدقلری اساسندن طوطدیره‌رق بوفکری قبول ایتمامکده درلر.
نظار سابقه‌دن برینک مسئولیت جزائیه و مالیه‌سی اخیراً موضوع بحث
اوله‌رق دیوان عالی اسباب سیاسیه‌دن ناشی ناظرک مسئولیت جزائیه‌سی
رفع ایتیش ایه‌ده مسئولیت مالیه‌سی هنوز حل ایدلماشدر.

عینیات محاسبیلری ایکی قسمدر. بر طاققلری سنه نهایتنده حساب
ویرلر. بونر فلورانسده کی محکوکات انباری، طابورلرک البسه و اسلحه
ده‌پولری، ارزاق انباری محاسبیلری در. دیگرلری ایسه سنه نهایتنده
حساب ویرمکه برابر سنه اورته سنده دخی مالیه مفتشلی طرفندن «بومفتشلی
محاسبیه عمومی» مالیه‌یه مریوطدرلر، معاملاتق تفتیشاته تابع اولانددر.
بوندره بری و بحری عساکر مغازه‌لری، وانحصار مغازه‌لری محاسبیلری در.
بومغازه‌لرک برر Inventaire ی واردر. ادخالات و اخراجات امرنامه‌لر
ایله اولور و بوا امرنامه‌لر هر اوج ویا الی اید بوردیوانه ارسال اوله‌رق
اوراجه دفتر مخصوصنه قید ایدیلور. مفتش تفتیشه کیده‌جکی زمان دیوان
محاسباته اوغرایه‌رق مغازه‌نک Inventaire نی آلور و محانده اویولده

تدقیقات اجرا ایدر . عینیات محاسبی حساباتی ده سنه نك ختامندن اعتباراً اوچ ماه ظرفنده دیوان محاسبانه کوندریلور . یونلرك اوزاق مثبتہسی مفتشلرك نتیجہ تدقیقاتی اوله رق ویروبده دیوان محاسبانه تبلیع ایدیلن راپورلر وادخالات و اخراجات امر نامه لری درک بونلر ذاتاً دیوانده در . بونلردن بشقه اشیانك تحولاتی کوستر دیگر اوراق مثبتہده بونلور . بحریه ده « ۳۶۰۰۰ » نوع اشیا موجوددر . بونلرایچون دیوانده Inventaire طوتنامقده در . انجق هر سنه ابتداسنده موجودی مین مغازه محاسبیلرندن کوندریلان Inventaire دفترنده دیوانه کلان نسخہسی حفظ اوله رق سنه ظرفنده مطلع اولدینی تحولاتی بودفتره شرح ایدرك ا کمال ایدر . شوحال یالکز بحریه عائددر . نومرو (مکرر ۱۰) سنه نہایتده کوندریلان حسابی بوجه بالا ا کمال ایتدیکی دفترایه تطبیق ایدر .

مالیه نظارتی بودجه سنه ملحق اوله رق مالیه غاردیانلرینك خصوصی بر بودجه سی واردر . فقط بودجه مذکور غاردیانلرك یالکز ملبوساتی ایچوندر . غاردیانلرك معاشاتی مالیه نك عمومی بودجه سنده داخلدر . بو ملحق بودجه نك تفتیشی دخی ینه عمومی بودجه نك تفتیش قواعیدینه یعنی دیوان محاسبانك ویزه سنه نابعدر .

تودیمعات و مرهونات صندوقنه کلنجه : بونك بودجه سی صرف خصوصی اولوب دولت بودجه سنه داخل دکلدر و بو بودجه پارلامنتونك بر قومیسونی طرفندن تصدیق اولتور هیئت عمومیجه کورماز . بو صندوق حساب قطعیتسی ده ینه اوقومیسون کورور . صندوق مأمورلرینك معاشاتی و مصارف اداره سی خزینہ بودجه سی میاننده داخل اولدیقندن امر اعطایه اقران ایدر . انجق صندوق مأمورین معاشاتی و مصارف اداره سی کندی تمتعاندن خزینہ اعاده ایدر ، خزینہده بونی واردات میاننده استرداداً ایراد کوستر . و مأمورین مذکورہ دولت مأمورلری در ،

بونلر معاشاتندن ومصارف اداره‌نك صندوق تمتعاتندن تسویه‌سی قانون اقتضاسنددر، بوسندوقك ولاياتده مخابرلری وارایسده هر درلومعاملاتی اجرا ایده‌مزلر. مهم معاملات مرکزجه ایفا اولنور. مع هذا مخابرلرک مقاملاتی مرکز صندوق اجمال و خلاصه ایدر و حساب سنویسی تنظیم ایلرایسده دیوان محاسباته کوندرمز. انجق بوسندوقك مرکز اداره‌سی نزدنده معاملاتی تفتیش ایتک اوزره دیوان محاسباتک برهیت مرخصه‌سی وارددر.

ملحق بودجه‌لردن بر قاج دانه‌سنی ده‌ها ذکر ایده‌لم. ۱۰ عدلیه بودجه‌سنه ملحق اوج بودجه وارددر.

بریی صرف مذاهب بودجه‌سی دیگرری رومه شهرنده کی مؤسسات خیریه بودجه‌سی اوچنجیسی عموم مملکتده بولان محمولات موقوفه بودجه‌سی « بوسوك بودجه‌ده علی الاکثر کلیساره و مبانئ دینییه عائد اوقاف داخلدر ». بو بودجه تمامیه دولت بودجه‌سی قواعدینه تابعدر.

۲ خارجیہ نظارتی بودجه‌سنه ملحق اولان مستملکات بودجه‌سی ایله مهاجرین بودجه‌سی وارددر. مستملکات بودجه‌سنده داخل اولان مصارف حقنده والی طرفندن اسطار اولنان امر اعطالر. « مستملکات بودجه‌سنده آمر اعطاسی والی در، تسویه اولنور و دیوانک ویزه‌سنه تابع دکلدر. بو اعطا امرینک معاملات سائره‌سی قاعده‌ عمومییه وجهله جریان ایدر، انجق سنه نهایتده والی بودجه‌نك نتایج اجرا آتی مین اوله‌رق تنظیم ایتدیکی حساب عمومییه اوراق مثبت‌سیله برابر خارجیہ نظارتی واسطه‌سیله دیوان محاسباته کوندریر. بوحسابک قانوناً معین برمه‌ل تنظیمی یوقدر وسنه نهایتندن علی الاکثر بر قاج آی صکره کوندرلمکده‌در. دیوان محاسبات اشبو حسابی تدقیق ایدر. مع هذا مستملکاتک واردات محلیه‌سی احتاجلرینه غیر کافی کلدیکی ایچون خارجیہ بودجه‌سی میاننده

بر مبلغ مخصوص وارد که بومبلغ مستملکات بودجه سنک واردات
قسمتده کوزیکور اشته بومبلغ اعطاسنده خارجیه نظارتی طرفندن
والی نامه امر اعطا اسطار اولتور . ایتالیا حکومتک الیوم موجود اولان
ایکی مستملکسی ایچون « اریتره و صومالی » بودجه سنده اون ملیون
فرانقه یقین بر تخصیصاتی وارد . مستملکاتک مصارف فوق العاده سی
« شمدوفر ویول انشا آتی کبی » دولت بودجه سندن تسویه اولتور .
بومستملک لک ایتالیا حکومتنه پک بهالی به مال اولدینی بیان ایدلشد .
مهاجرین بودجه سنک اداره سی و بو بودجه به محسوب یازیلان اعطا امر لرینک
ویزه سی تمامیه دولت بودجه سندن یازیلان اعطا امر لری احکامنه تابعدر .

— مابعدی وار —

